

西山日記

序

史以該天道浹王事  
非學業與心術並茂  
者不足垂鑒誠於天  
下後世一言蔽之曰

嚴邪正之別而已下  
至稗官野乘之所見  
聞雜取當世人物以  
存一代之是非孟堅  
所謂芻蕘狂夫之義

亦有所擇焉此家璽  
卿長孺公西山日記  
所由作也璽卿爲予  
伯父行澎方在襁褓  
不及親侍聲咳側聞

諸兄弟言公生平伉  
直尙峭毅嘗齟齬不  
可一世立神宗朝值  
黨釁方起以一曹郎  
抗疏言時政屢忤宰

相意宵王側目咸欲  
中公危法凡三仕不  
數踰月輟報罷惜哉  
公之不竟其用也退  
而在野念不忘君日

與顧涇陽高景逸魏  
廓園諸先生講學東  
林攻者益衆隨援筆  
作日記以寓意自洪  
武以迄萬曆朝野僉

採簡而不糅嗚呼亦  
足以見公之志矣嘗  
攷司馬溫公亦有日  
記王安石作日錄以  
亂之一時尊堯手記



紛紛剖擊恨不請從  
炎火以免流毒惟涑  
水之書至今炳若日  
星重關乎世道人心  
者其心術與學業更

何待辨而知之耶因  
慨公雖不竟大用獨  
扶綱植紀於邪說尊  
呶之際浩然正氣勃  
不可揜逮逆閹肆虐

高魏諸君子同罹黨  
禍宗社頓遷倘天畱  
耆碩公不早逝與忠  
良遺老戮力耨克或  
冀少扶末造乃追讀

國是隱憂一疏何不  
幸而使其言遽驗也  
是可悲矣則古今治  
亂進退興衰之故又  
曷可不鑒哉

岢

康熙己巳閏春中浣  
宗姪澎拜手敬書

西山日記題辭

丁長孺先生嫉惡如讐當

黨議縱橫楚浙富平主察

斥其黨七人舉朝大譁先

生抗言七人宜斥救者非  
是波路壯闊不憚以身爲  
砥柱沒後文集出黑白纖  
芥無所隱避世以比之史

鉞太之再壻聞孫藜菴刻  
其鹵山日記所記皆嘉言  
善行雖其人下中而一事  
合宜亦必書之然後知先



生之恕也夫立表以定子  
午非子非午皆從子午而  
出不準的於表則倒影斜  
線皆自以爲子午矣日記

固先生所立之表也先生  
之嫉惡亦嫉其非子非午  
自以爲子午者而已矣妖  
鏡之幻人也或現夫弁冕

或現夫狐鼠人莫不賢弁  
冕而賤狐鼠然而妖鏡之  
弁冕狐鼠使軒轅鼓其橐  
籥按以弦望金煙玉水所

照未必不反是也管倪某  
黨奄而歸喬侍御往詢之  
曰楊左二公以忤璫罹禍  
君子也公糾之何故倪曰

一時有一時之君子一  
昔有一昔之小人我居言路  
時莫不罵楊左為小人我  
自糾小人耳今局面一翻

莫不稱揚左為君子吾亦  
以為君子矣以世情言之  
此君實為名言嗚呼世情  
之是非象沒溪泥盍亦觀

先生之書以審其子午乎

昔

康熙己巳歲孟夏姚江季

家眷姪黃宗羲太冲氏

拜題

題辭六



# 序

余聞之先師劉子蓋浙長興有正學名臣神廟  
季年清議名臣第一爲丁慎所先生云先生家  
長興之菴畫溪見劉子庚申吳興道中詩有百  
年看意氣都付畫溪汀此其註中語西山是慎  
所先生讀書處見劉子戊寅壽丁母吳夫人七  
十詩有菴畫迴溪鎖空院西山積雪瑩如練此  
其註中語庚申屬先生六十一戊寅則先生沒

月

後十三年也蓋劉子表先生墓有云所著有西山日記及奏疏雜稿疏稿已鐫行西山日記意劉子嘗見之而今始刊布蓋先生自萬曆乙酉舉京闈明年成進士以來三十四始官中書舍人未幾丁內艱四十已亥而鐫於京察五十一補廣西按察經歷明年赴禮部主客司主事之召三閱月而病去五十八丁巳而被削至天啓中起刑部簡較尋晉尙寶司少卿病未行未幾

詔創新官計先生居官不一載而甲午正月在  
舍人嘗有時弊可寒心者三可浩嘆者七坐視  
而不可救藥者二之疏在主客有臚察處諸人  
罪狀并發其邪謀害正及條具剖真心覈名實  
重大體平物情端學脈與再披徵誠以存公道  
之疏乙卯五十六家居而有訟羅織楚獄之人  
得優容是日無高皇六經亂天下之語入試錄  
是日無孔子疏其所謂進言皆痛詆大臣近習

上眷未嘗不厚而嫉者愈深是以不能一日安其身於朝廷之上乎劉子云先生孜孜切切饑溺當世有物於中必欲吐之君父而後快昌言勁氣一皆諸君子爭視爲前茅黨論初起邪正之介僅針芒而抉之最早獨清君子一脈于百口謠詠之日使世道賴以不墜則學焉而見道之真可知先生之言若是謂非卽其行邪又先生之序辛亥京察記事也曰君子還之以君子

小人還之以小人天下之至平也傳三太宰也  
曰能劑瑩省而後可以太宰能劑太宰而後可  
以相二者衷於天下之公議而不我與故能使  
天下爲我用斯其雜文有關於當世如此乃先  
生嘗告父參議公曰功名心淡只爲世道起見  
亦丈夫能事其中察也曰先儒不云乎要熟須  
從這裏過又言真正處在先立根本施於親友  
其喫緊在遇患不避見義必爲勿流入鄉愿窠

曰至家居皆詆講學者日益甚獨偕同志如期而集又嘗作程朱道命錄以見志先生之於學勤矣哉蓋先生弱冠卽從顧端文先生授尚書旣與忠憲高先生兀峙東林浙君子之主張正學者先生稱首嘗序端文傳稿云由制莠而藏莠而劄記而大學通考而證性諸書如見先生之人又云先生潛心理學蔚爲儒宗至海內之士望而畏畏生疑疑生謗徐而卽之久而習之

恂恂乎寒素也溫如冲如冬日之日也可爲善  
言端文矣蓋登第後告歸又三年而遊莊簡許  
先生之門許先生以剛目之先生長劉子十八  
歲劉子於癸卯二月就德清師事許先生昔年  
二十六先生已四十四劉子於座中見先生抵  
掌談天下事神采迸露嘆服非當世士更六年  
辛亥先生寓書於劉子始定交次年先生與靜  
之劉先生道端文之賢欲往見而端文逝遂造

忠憲講居心窮理儒釋異同主敬之功蓋劉子  
於甲寅與先生書有見教歸進性命一言良是  
亦願兄努力振豪傑而上之語丁巳湖上贈別  
有其歷冰霜指水寒句壬戌與先生書有禁中  
事益可虞每與景逸感額恐大禍只在目前不  
知吾黨他日之不負相許者幾人耳又云承手  
教深服高識遠慮然長安言及丁長孺無不如  
毒藥亦終付之漆室之謀而已先生與劉子交



諒若此先生三十以前唯師端文三十以後再  
師莊簡四十六以後師唯端文友則忠憲與劉  
子魏忠節朱文肅及同類數人自謫秘書還築  
廬溪上署曰心遠自開適軸碩寬是處羲皇詩  
曰三尺短筇間白髮誰家鼓吹囀黃鸝往來不  
踰梁溪德清間西山其巖居處也先生大者旣  
見於疏草雜文餘則隨所見聞筆之若平園水  
東可齋復齋之有日記中間朝野之事俱備特

視曾氏之類說陶氏之輟耕錄何氏之餘冬錄  
爲居要耳而劉子之日記則主記過與先生異  
旨也劉子祭先生文曰天生吾黨上下千秋寥  
寥幾人孰是兄也學古人之道抱當世之憂竟  
不能一日試于清管四十年江湖憔悴徒畱一  
片肝膽于我二三女生而二三女生遽此愍凶  
死於讒死于賊獨某偃偃如窮人之歸終索一  
死以報知己而已忠憲祭先生曰公于世道可

謂鞠躬盡瘁鄙夫憤之鄉愿笑之至其浩浩正  
氣所謂生與俱來死與俱往足以千古不敝豈  
與一昔爭區區之隆替蓋忠憲初以先生爲長  
沙長孺劉子以先生爲今之羅文毅其鞠躬盡  
瘁于世道與學而得道之真惟劉子與忠憲爲  
能知之耳記中所載自主術而下細及家訓日  
課以泊箴詞乃合之誌表不通款于要人不厭  
小舫于舟側孔昔奪官方通尺素絕京貴書語

及神光熹授受之際幾欲借劒事親雖貴而勞  
不色忤母歿念之號慟父歿震裂哀悴人不忍  
聞見事繼祖母從父居湖濱相去三十里迎奉  
外走甘脆不絕事外祖母性嗃嗃先意迎之奉  
以終舅非所出渭陽之眷彌篤父之自出緣其  
意扶危恤瘁必盡力父側室無子矢栢舟爲請  
旌哀絃之痛白首不渝族叔被人貸息吞產出  
貲贖之高曾族屬內外昆弟子姓故人賓客仰

給衣食寃失所者次第援之拯風波而枕席掖  
纒抱而室家起傷夷而衿帶立邑紳之嗣清名  
臣之墓贖清惠之曾孫女擇儒生嫁之歛明經  
于長安旅邸割地與冒爭塋地者以師言致當  
事入剡牘翼蔽戚屬于身後執友衆剝其孫懲  
首難者同人被讒者令搏之曲爲之解議均徭  
先自占役如編戶賊劫令致死并磔簿呼左右  
廟塞木於巷召材士懸殊賞布伏飛書當路擒

其魁而定謝造請拒幕夜或解其枉不令知交  
游無沾潤敗如素忠憲氣和身下之不啻自口  
出爲學者談古忠孝奇節忘倦遇有志操者鼓  
鐸之不繩以細謹經賞拔者脫穎去救解諸生  
寬其祿蔓有敗檢者梅於門凡此於記中條件  
多可參同自非合長沙長孺文毅爲一人能若  
是哉世有見太僕完本者其能不嘆羨南樓之  
有忠文云

岢

康熙己巳歲孟夏後學重山場頓首拜譔

西山日記目次

荅西丁元薦長孺甫著

卷上

英斷

相業

延攬

才畧

淡心

名將

循良

法吏

節烈

忠義

清修

直節

德量

器識

神識

正學



西山日記

荅西丁元薦長孺甫著

卷下

古道

友義

義俠

格言

正論

清談

文學

師模

庭訓

母範

孝友

篤行

方術

高隱

恬退

持正

賢媛

耆壽

家訓

日課

五箴

西山日記 卷上

荅西丁元薦長孺甫著

英斷

高祖甫定天下興學校尊崇孔子專習六經語孟取方嚴敦厚之士如宋如章如葉革爲子弟師練出一番人才革除之際至參戮五宗析骸拔舌九歿不回此非一朝一夕之故也忠義感激者素矣此道不講士氣不能轉移士風澆漓而民俗江河日下何可勝言聖門論士最次以硜硜者屬意旨淡已

國初獎勵循良不次擢用如金壇縣丞某以善政爲百姓

保留輒差行人賜救獎諭褒賚有加并徒知縣某杖責鎮江府皂隸之橫肆者守計奏知縣陞太守守降令隸遣戍三尺必行是非皎如白日凡邑令不公不法者里老會申明亭賢成發落此真得司官六計樊吏以廉爲冠之意貪墨安得不風清威克厥愛爲政之要道哉

世宗末年分宜自知必敗妄揣上意思擁戴夫景邸希定策功而不敢發先令陸武惠炳嘗之時裕帝有一中貴人不法兩令衛卒擒之先下緹騎獄而後以聞朝廷方寢引燭聞其疏訝曰得無驚小主人乎陸炳好大膽炳候旨于宮門外小黃門傳者踵接炳驚悸仆地數人掖之不能起

又明日嘔血歿嗟乎此天威也張差之變士大夫敢爲黨援至欲抹殺此案寧止無將已哉

嘉靖中一督撫以首功捷報朝廷手批曰這賊想已飽欲而去知道了此聖天子明見萬里其人膽落數月不敢視事

王中丞骨事此部議旨鬼薪分宜冒子目言最王恩質矣若以永戍上或可收萬一也嚴旨切責該部邊將失律者斬主將反不生是恁的律該司官姑不究還着坐重提罪來看竟以守備不設因而失陷城池者律斬益廟旁爲哭得夫帝王之威者也

相業

王莽襲瓊之擒宸濠陸司馬完之平劉六劉七胡襄懋之  
平倭皆有大功其人皆跡跡不羈能用陸者長沙也能用  
胡者分宜也以楊文忠公之才不能用恭襄反與之仇華  
亭公能用楊襄毅公博而歿襄懋於獄人固有能有不能  
爾

羅旁之役新鄭身任之當事者有難色曰費安從出口胡  
少保証倭時借東西廣若干金兩省歲積帑藏若干金皆  
有籍可按屈指不下數百萬何虞費也曰誰爲主者曰得  
之矣惜其人食以二百萬金勞之事可立成蓋殷尚書正

茂也功成一一如燭照殿所入私橐止百萬所謂知人善任使者公其一也

新鄒長吳司馬兌於旅見立談爾識沈戎政思考於選人蓋望而知之奪情一疏可以報公矣張少保孟男介士也偶塞二守公一言之獎立躋九列游歷司徒沒齒清操新鄒真具隻眼哉

俞大猷以分宜冑子惡之下獄論歿華亭百計營救不免初命陸武惠往解之冑子攘臂曰若知有徐武英而不知有愚父子何也武惠歸時出華亭再謁董宗伯份宗伯直入冑子幕嘻笑談謔若無心者忽問曰俞大猷已決乎曰

且暮矣宗伯拍案曰此賊案中尚有數十萬金不知且何  
屬胄子躊躇曰何不蚤言之宗伯曰姑令戴罪立功且盡  
其案其首直寄之爾胄子快甚大猷幸減死文貞憐才善  
用人多類此其調劑楊襄毅於上盛怒不測時心更苦穎  
石不能罄也

沈歸德公起初大拜朝廷方靜攝叩首宮門外上賜宴令  
大璫陳矩陪席語次及礦稅事公曰諸臣之阻礦稅爲地  
方老臣獨意在聖躬矩曰何公曰千金之家愛護其祖基  
來脉無所不至況三輔千里內外係長陵及京師王氣所  
鍾萬一受傷所關乎聖躬不小公顧左右小黃門往來如

織幕上陰使左右覘之也矩復命時上因問沈閣下何言矩備述其語朝廷默然久之卽索前後阻礦稅諸疏中外欣然望德音曰明聞之曰若席未煖便欲令上聽轉圜耶陰從中力構之而上意終不可回矣

王文恪鑒以大魁標幟林掌故家宗之爲泰山北斗於憲廟時以侍講學士經筵進講于天理人欲君子小人之互勝倦倦致詳中貴人李廣頗導上遊西苑左右諫不聽公爲講文王不敢田遊章上罷講謂廣曰講官所指殆若曹也好爲之正德初九卿伏巖上疏請誅中貴人瑾等召至左順門使它中人詰所由諸九卿相攝唯唯獨公以危



言繼尚書韓文後事幾濟而變瑾等業不知也公遂大拜  
超少傳兼太子太保會救故尚書劉大夏右都御史一清  
罪請成廢后吳氏喪稍與瑾意忤而初議亦微露公自危  
堅請歸假令公當時默不出一語位亦不過宰相加保傅  
而已卽入閤而委蛇于瑾縮舌于洪洞華容京口諸大獄  
亦不過賜璽書給驛廩致仕久柄政如長沙心迹至今不  
白孰與徜徉湖山之愉快哉大臣進退有數有命彼營營  
得失何爲者也公家居飲於一巨室見其玉能光耀几席  
歸而與其子太常豔稱之太常曰勿急也已引至一密室  
羅列彝鼎卮匱皆舊玉以類陳列凡數楨公失色良久至

今世業甲于金昌洞庭間皆太常所積公不知也孫禹聲  
已進士守承天得罪磔使勒致仕溫恭謙抑其舍人兒  
千指至有起家十餘萬者夜半列炬遊行市中率遇主人  
主人遺置民家若爲弗聞者時人以爲善下

顧文康公鼎臣時值肅皇帝南狩承天以閣臣佐皇太子  
監國其牧公有內自禁掖外而都城及邊陲大小百司庶  
務悉以付卿語及公所榜關門示云此係御道輦蹕出入  
之所不許閑雜人作踐大小洩違者發兵馬司重責人皆  
拚命每晨入各宮門囑守者謹慎火燭上時或使人偵之  
倍委信遺表多惓惓武備及宗社大計疏築崑山城丈田

均賦久而特祠其地

江陵輔幼主功在整飭紀綱倡考成以挽各衙門之權法  
行萬里外朝下夕行是第一義其次則嚴生儒進取拔耀  
州喬公因阜督兩浙學政改居太常爲南司成青衿一時  
改觀清殿春初卽過淮免漂沒之苦墨吏褫職外必追賊  
間罪歷年積逋搜剔殆盡各省直盜賊竊發必重罪失事  
之人無令隱匿綜覈名實獎拔任怨任事之臣是其相業  
之較然者也所可尤者遂新鄭一事新鄭與江陵密謀祛  
馮保江陵卽與保合謀祛新鄭夜半出片紙借稱皇后懿  
旨又皇貴妃令旨又皇帝聖旨數俱罪狀方穆宗梓宮在

內顧命手墨未乾無故違此伎倆謂天下萬世何王文肅  
閣下平於張文毅之處江陵不知壬午癸未之事天爲新  
鄭設此也新鄭與江陵同在裕邸同事成均最稱密友一  
旦扼其吭而攘其位捫心能不泚然

壬癸以後張文毅相逐馮保洗滌江陵時所用諸小人引  
用建言得罪諸臣時朝宁收觀十餘年積憤一朝而快真  
霹靂手也王國光行後嚴恭肅清宋莊敏繆陸莊簡光祖  
孫清簡鐵陳恭介有年蔡恭靖國珍相繼秉銓稍稍持國  
是於積霾沈翳之後風波震撼之中緬懷哲人令人扼腕  
時事云

江陵熟于典故讀會典百目而盡終身不復忘每出朝輒呼六垣入直者卒然問以某疏云何某事作何處分其人頰赤左右顧不能發一語未幾外轉矣諸給事入直者細搜數各奏揭考核會典以備不時詰問江陵間發一語時出耳目意料外卽有條對惴惴重足十不吐一一時臺省往往受其箝束則其才勝也

楊文忠之誅江彬妙在平時不露聲色豹房之變賞勞避其於通州彬如孤豚腐鼠不得不墮其術中太史愼密語公曰此際倒好擒江彬公大罵奉賜之曰小子何知彬已下縱騎獄矣

徐文貞誅嚴氏父子令斯忍恥不啻勾踐之於夫差將甘心於當時先以胄子爲嘗遣戍而後徐圖之世蕃之誅比部爰書歷敘其殺夏言沈鍊楊繼盛郭希顏諸大罪長安以爲快世蕃獨喜以爲上英主也其父子犯手處皆先探上旨陰中之者上讀其辭必大怒吾必不赦歸且有期矣文貞與所私謀之止以逃軍怨望爲辭盡削比曹諸牒夜半卽於邸中呼曹郎更辭以進臨決世蕃尚在醉夢中也三公眞旋乾轉坤手哉雖然當大事者患在不誠誠矣機智瞻畧自相逼而來世之前却於左右袒者輒攢眉坐失機會非不能也不爲也秋梁公衣帶中訣辭大周受命萬物

維新皇唐舊臣反是實韓魏公云事不成不過族裔一片  
血誠千古堪涕

包蒙泉先生節爲廖鏜所訐下獄論歿徐文貞竭力營救  
不得時有上所喜方士陶仲文方貴幸文貞節先施拜  
而懇之仲文許諾蒙泉等免歿戊戌莊浪十年卒戊所

世廟初年有意恤錄革除歿節諸臣夏桂溪陰阻之事遂  
寢卽此可以知文愍大畧矣

丘給事月林稱侃侃持正論當路多憚之擬外轉徐文貞  
獨謂之曰丘長科爲諫官吾輩儘有益孔明涕泣而斬馬  
謖汾陽起解李光弼之縛相抱慟哭此英雄手段

神廟初內侍欲復鎮守江陵嚇之曰海內方有事正要諸君其此擲但須三思馮保聞而中止

太師梁文康公儲廣東順德人立朝四十年多自蔽掩不誇其功不言人過失施德於人不責報有庇其德反操戈者亦不較謗言至居之恬然生平輕財周恤志慕清修宸濠反稽士大夫多有餽惟公無之至于止秦藩之封地不草巡遊之敕尤其大節梗梗者

東陽天資明敏有果斷才中官有事來閣下議必問曰東楊先生在否知不在卽回凡議事未嘗不遂西楊已而卒斷于東楊始灼然可行而無疑每秋必敕文武大臣越憲



臺書錄重獄自英國而下俱遙避候二楊先生決之西楊訊之至不可了東想一問卽決衆皆歎服

漢唐人謀反移檄誣諸臣以奸邪亂政事上夜召楊士奇等入分坐審議屏左右語楊榮首勸朝廷親征曰彼謂陛下新立必不自行故敢爾若今陛下出其不意而以天威臨之事無不濟若或遲疑使彼爲計未可知也時上難之士奇曰往事可鑒不可失也臣昨見命將而其色變退語臣等面泣在庭如此則臨事可知又曰兵事貴速宜卷甲輜戈而往一鼓平之所謂先聲有奪人之心者也楊榮言甚是上意遂決卽躬率六師征之

當在毅皇帝時梁文康公首百揆石齋楊公宅憂南闕亟  
起之俾位卜已上敬所蔣公方在庶僚則延譽官府力拔  
爲輔比南巡狩欲奉天子行寶以行楊公不可蔣公亦爲  
不可且噴有頌言公無少見于顏色亦未嘗輒語人也蔣  
公服公盛德不特同升之感而已又西安張御史璉者論  
列詆毀人不能堪而公引愚薦楊竟至大用璉終身感之  
楊文敏才器恢博識慮深遠每承命省覽章奏從容人主  
前以數語安天下生民被其惠利者甚衆退與家人燕語  
未嘗一及朝事密謀至計公所獨知而他人不與知者尤  
多

楊士奇知陳司成敬宗自南京考滿來京將至先令子迎于道分贈黃封一壺倚詩一首詩曰請詢陳司業幾月出南都河上交冰未江南下雪無道途多跋涉塵土著髭鬚下馬須煎潌呼兒送一壺

蒲州以前有一相必用一番人另有一番作用其道主革吳門而後其道尚同故數十年人才消鑠于不陰不陽中而元氣亡此何以故朱文寧曰蒲州以前其才氣學術各自成家各不相下至于近日攻擊遂爲朋黨至誅竄貶逐固甚烈未幾而公論復伸海內士大夫之氣愈激而愈振蒲州而後其才識相等無卓然自樹之志是以衣鉢相傳

守而不變以爲苟安使作富貴相安無事非不爲異也其  
才氣不能爲異也士大夫相習爲鄉愿爲佞爲無賴市井  
態豪傑之氣消鋒銳復餘而國運從之矣

延攬

楊文襄公最憐才一賈人醵金爲公壽乞言於一巨公浼  
鄭山人處舟書之山人曰此非所以壽相公也因自爲文  
以進公獨鑒賞曰誰倩而得此曰某巨公文襄曰非也賈  
以寶對公立命舍人見迎鄭生于逆旅最齒踵接一見握  
手如平生嗟乎公于一山人且爾况豪傑乎文皇之于馬  
周寶類此古君相延攬英俊未有不開青眼具肝膽者也  
山陰徐生渭字文長雅負俊才而狂胡襄懣延至麾下文  
長與公約弗能以諸生巾服庭見性善酒酒後不耐鈴束  
不時出入公門卽早暮幸不爲禁公許之一日進白鹿表

諸名公鉅老具草者衆公採其尤上之朝廷喜甚賞自錫  
彩幣如政府乃徐生所草也公方酣飲徐生輒先醉公度  
其有所請格於酒索其袖中有訟牒卽手批陰納其袖夜  
半酒醒諸居間者競向生詰前牒生大恨曰吾醉偶忘之  
出其牒已批且印矣其人立饋數百金爲生客舍資生故  
摩視阿堵者也

陸莊簡以丁右武發已卯場弊稍稍委蛇政府爲意氣諸  
公切齒于中甫會趙司成汝師詎詈不容口且曰吾嘗與  
平湖深談輒閉口立意在茂苑耶中甫曰平湖公固自有  
作用不易測也願公小忍之及晉少宰而北中甫送之江

上趙先生自悔曰老薛乃爲平湖所容問故曰此轉平湖  
力也嘗寓書政府曰翰林之有吳趙猶人之有眉目也相  
公卽有私憾獨不顧大體耶僕向與深談強半不復記憶  
平湖種種推行之未盡者絮絮申請僕無以應也吾甚愧  
此老矣

王文成有一門生姓某者來執贄問曰若何以知我對曰  
父龍光命某來謁以爲不見先生幾處此生矣光故一書  
椽起家驛丞者也文成奇其人召至左右委以心腹征田  
州時舟過府江忽崖上蒼然有聲乃一僧率至舟文成屹  
然不動僧遂移一椅與先生相對坐先生亦不動良久顧

旁几有奕具遂與奕三局僧勝者一復求勝不已文成顧光索糜久之光持糜至自僧後澆其頂立仆處髮之法不動是第一義用人之法無方此文成實際學問也

王憲副臬解臨清兵使任携響馬賊數十人歸抵金壇臨別灑泣叩辭曰乃公在吾輩幸爲良民今失所天仍作賊矣公泣數行下好語慰遣之

史太僕際性揮霍善交結於世廟時多以直節屏弃落魄林皋者公多方餽問至遣以童僕宮室授餐授衣久而不倦義問蔚起起家數百萬強半藉交游力一日遊姚江有貧生告賑公贈以三金聞風者踵接至公問口岸中幾何



人也曰八百公盡出篋中裝并借貸捐二千四百金送邑博處分散之

橫籬有鄭姓者布衣起素封亦善揮霍每孝廉上公車例以三金爲贐偶一生以不得館穀浪遊從者亦以爲孝廉也誤贈之其人持金踵門面辭曰實以館穀來何敢冒長者賜主人張樂留宴立贈三十金願以爲館穀費生跼蹐不敢當又三年取上第登要樞感鄭高義撫按使者以下輒以鄭托之使者表其閭更起家數十萬子孫科第不絕知予之爲取者二公是也夫今守財者遠矣

辛卯蘇君禹督兩浙學試畢謁馮先生聞之曰公論云何

曰冰鑑在上止遺一戴生灝孤寒士也君禹曰此必爲郡  
中所格核之果然立召戴生生方館穀海上錯愕不知所  
出君禹賞其府卷更試二題卽具青衿冠服鼓吹送之隸  
人叩曰貧生何所歸君禹躊躇曰非馮先生幾誤生卽送  
至馮許兩人相顧大笑戴生後歌鹿鳴

吳績宗守吳郡析節布衣邢參字麗文視枝山門人也太  
守時時顧邢生深談竟日不去一日邢他出太守來不遇  
其妻語絮絮不休太守問左右曰媼何言對曰貧家以績  
紡爲業時爲貴人擾亂不能無怨尤耳太守下士邢夫婦  
抗節自守綽有古風今五六十歲此風不可復覩矣

李康惠公爲刑部屬見素林公爲僉都謂李曰昔三原王公在南都其志未嘗一日不爲天下國家故無一日無賢士大夫往來門下今吾門寂寥豈吾不能抑已耶何賢者之不至也李因問曰公今所交何人曰同官張公寶太宰楊應寧司諫楊方震請各問所長曰某長於某各問所短於某請問公所長公遜謝請問公所短林因虛心問李曰承勛每待教所聞惟節義文章而未嘗及學問公所長在是所短亦在是乎林大歎服

才畧

張莊僖令蕪湖時初下車有失女者以告問其居曰江濱  
公躬按之指其樓曰此女卧室也公登樓徘徊者久之諸  
商舟輻輳其下曰諸賈往來有籍乎曰有又問曰商歸者  
必盡脫其貨方去乎曰然有一人貨未盡輒去公指曰此  
卽盜女者也亟追之二百里外一少年艤舟柳陰下與女  
歡狎一邑以爲神

島倭寇浙直蘇郡避倭城中者日襁至郡公命闔各城門  
避寇者不得入男女哭聲震天二守任公環請於守令大  
開門守難之任厲聲曰有不如不測罪在丞於是守以諸門

鑄悉委任乃於六門外各豎一大旗令曰從某邑某村入者赴此於各城圍酌其道里與某浮屠相近者又豎一幟曰避兵入者聚此於是諸男女呼各隣戚向旗幟分投入道不譁擁全活無筭奸細亦不得混入任公曉暢軍事親擐甲冑與倭戰數十合吳人至今尸祝之位止大叅命也陸莊簡初爲太宰臺省噴有煩言一蒞事浙江巡按蔡系周例轉副使河南叅政張養蒙升太僕卿王士性李盛春相繼內轉丁此呂升海道故嘗以場事劾公者也公論翕然推服 壬辰外計戶科給事王遵訓以廣平推官閑住同鄉一御史以章丘令降一時臺省重足莊簡公真霹靂

手也

胡太宰松開府豫章邵生芳迎至淮上問公曰聞華林瑪  
瑙賊勢甚張負隅難以力攻公何以策之公屏左右問計  
生曰賊必中道覘公公室先以一牌由孔道發豫章故迂  
其期至任卽倍道抵浙生急爲公借五千勁卒五萬金餉  
於制府星夜疾趨入賊境攻其巢穴賊方幸公之未至  
也不爲備聞公奄至倉卒出禦遂敗先報捷而後抵任亦  
一奇事

馬孟河一龍上公車時宿一旅舍盜襲也方就寢公忽大  
斗腹痛呼姜湯飲索盆水浴不愈已作遺囑付蒼頭請主

人出交以二簾鷄鳴稍息臨別携主人手曰子能送我數里乎行至野班荆坐遂與結爲昆季耳語曰僕故無病因君夜來意甚不佳故相戲耳其人跼蹐舉二簾曰足下壯士也敢以此贈幸自愛同行者訝之微公夜半當七首相國不然飛騎跡之咄嗟去矣後公登第時造其家其人竟改業

馬孟河初第時假史尚寶五千金米萬石至大江沙洲聚畚鍤而溝洫之闢以大堤荒坵盡成沃壤不數年償其所貸歿後數年子孫至今享其利也公雄才當是本計後梁溪陳均塘孝廉時亦貿瘠田開爲腴產曰吾爲養廉計較

居間漁獵細民者千里矣

武宗時王恭襄置王文成於虔州有妙用江省有變朝發可以夕赴忠烈坐守省城文成竊笑曰可惜孫老先生不蚤作活計故事節鉞重臣與親王例有交際况虔撫與豫章密邇文成有圖寧藩之志勢不得不與交懽薦門人黃元亨於寧王以伺其動靜大是苦心亦其妙用功成後生文成以交通首鼠觀望并元亨亦欲殺之寃哉疑人面前眞說不得夢也

徐東山先生九思令句容多善政其家居廣收寢丘及荒山瘠土日夕率家人相其地宜而畚鍤之數年後盡成沃



壤所入不貲于孺東訪其意令山陰爲循良家居榜其堂曰食力堂守此可以治生養廉可以厚風俗可以約束子弟可以訓練臧獲書曰惟土物愛厥心臧深有味也

倭蹂武林襄愍委山陰尉巡徼關外尉急自計賊勢張安能以空拳抵餓虎之喙椎牛酒悉召城外居民市戶及新安之賈於質庫者皆其鄉人也醪金募士兵可數百人勞以酒食具爲約申令之衆酒酣乘興揚兵出突遇倭直前薄其壘倭驟出不意小却我兵買勇大奮倭各鳥鼠散此亦一奇也以致命故不必百全而成功若稍轉念立歿矣安吉莫埭溪先生瓚比部楊父也以貢歷官荆門鎮寧二

州守鎮寧有上官于駐據州治以叛公至寓浮屠士官有一甥諸生也時來謁公公反復爲言禍福令致意叛者使自戢轉禍爲福亦未晚叛者心動公令生徐說之來謁士官納利刃靴中具冠服庭謁如常儀公出不意命兩吏提懷中巨石手擊之腦裂兩脰舍出勁卒二十人直擒之公蚤於館舍後密置一梯與老蒼頭約曰外有急卽奔赴衛召卒赴難卒如其言并其家屬械赴兵使者兵使者夜半得報且喜且驚叛者庚死獄中兩臺使竟隱公奇伐蓋初時不敢上土官叛狀也嗚呼令在今時節鉞矣

沈堯龍起家素封唐一庵先生訪之曰治生有術乎曰任

人得人有術乎曰多收童子雖然童子十不得二先生如其言收十數人止一人有心計加意訓練之授以筭鑰夜開倉盜米先生適見之其人跪伏先生好語曰我不汝泚也願汝改行爲善其人卒起家數萬金

世廟末島倭蹂兩浙波及吳興前近一素封傾貲結里中少年駕輕舸出入蘆葦中召善弩者出不意射倭輒中立久適一日大霧公集諸弩手往來輕舟如飛倭以爲神兵大敗鳥鼠散皆撫賞其功召募諸挾弩者諸挾弩者止以射生爲業不辨行伍吳翁乘霧善用天故稍見其奇他不爾也此卽種德公從子

孔韶文鏞守高州時久苦賊城守者數年公大開門故遣  
瘦卒昇輿至賊巢好語慰諭之曰天子命太守來安若曹  
無他意寢食其中者數日夕坦懷响咻之展轉遞至他賊  
所賊感服卽昇公歸勞以布帛及新曆約曰太守願  
與若輩更始不城守而四境安堵賊盡化爲良民游行城  
市無所畏忌其梗不服者計擒其酋首毀其巢以功遷按  
察副使鎮其地轉粵右憲使晉右副都御史撫貴州清平  
有苗河刺者以黠悍善其子齊力可捍百夫父子雄長  
諸洞蠻二十餘年傷殺官兵亾如之何公刺得其所厚善  
清平指揮授之策而誘縛之所謂以賊攻賊也日前黔蜀

交訖得如孔公者生鎮其地賊不足平矣

正德時大盜劉六劉七等剽掠山東河南以至畿甸中原震動馬中錫以書生不能軍逮下獄陸公完奮然請討長沙公卽委以討賊之任許便宜行事追賊至大江狼山悉殲其衆公爲諸生時以權畧倜儻自負節制萬里立功朝廷遂長中臺晉太宰然以復寧王護衛論或減戍方公討賊至蘇蘇郡以爲非所屬也日公蘇人不屑行長跽禮公與四十萬兵于閭門外軍聲如雷湖水鼎沸太守不覺膝之屈也故鄉諸生以公多機知三學不下千人齊入謁公預爲籌算一切椅席茶盒之類區畫悉當從容延坐不失

尺寸蘇諸生善譚又以桑梓故多厚望倉卒中咄嗟而辦  
無以難也公師至常熟結寨虞山之巔衣冠危坐其上夜  
半賊使人刦之公去已久矣其機變不測多類此公起諸  
生爲大帥所至有功非空談韜畧者也近世如王珣城之  
清標石東明之節操百陸完何敢彷彿萬一然石以本兵次  
東事王以浙中丞爲權奸所阨假令善用之則樞筦銓衡  
必大有聲望所用非所養所養非所用當事之過也

世廟末年胡襄懋誘汪直徐海諸倭二百人來降每首手  
持一鳥銃帶引一線香入轅門北向匍伏庭下時受降者  
襄懋與趙文華按使者某諸兵使左右侍人人惴慄襄懋

懷臂下階摸汪酉頂大言曰我在而不建封侯之業非夫也呼素所聚飲之玉璚引滿而勞之酒二酉疑其毒也不受襄懋曰世豈有醜人羊叔子哉立飲而盡再觴二酉始叩首謝諸倭以次受賞出是時譚襄毅在事出而語人曰吾不覺中指之入吾掌也吾以此心折胡公矣尋安置諸酋于海濱沈氏庄計殲焉

侯黃門廷佩寧夏人也語余云曾襄愍銑昔在鎮戰艦鼓吹入套敵悉逸去深入數百里營帳虛無人小兒啼慄怖之云曾太師且至啼即止富平孫太宰時爲大中丞見一御史語及曾流涕不止蓋襄愍實有功於遼陞也

世宗末年烏倭憑凌江南北朝廷命李襄敏遂巡撫淮揚  
報至襄敏呼其子材曰此分宜欲殺我也稍遲我且爲翁  
司馬矣七日卽抵任胄子世蕃訝曰無以難此老也一戰  
大捷卽以倭首級獻俘下兵部勘之襄敏曰不爾蒿且以  
誣罔坐我矣卒陞南兵部尚書

陳梁溪志行少年館于吳太宰鵬太宰自負兵法爲志行  
言總漕時河南師尚留友忽南下太宰輕騎至宿州城闕  
無徒出二金修之捐五十金募壯士二十人擇其中狡黠  
者數人與火器約二更時去城東西二里許各舉一大砲  
五里外再舉一砲夜半城內舉一砲十里外連舉數砲聲



振遠通賊虞大兵至倉卒南走太宰先檄河南北岸不許  
泊一舟違者斬賊計無復之遂敗今桴撫中無其人矣  
丁亥春雲間諸生以固雷郡守至闔門激變兵使者以反  
聞得兵誅首亂者意亦不自安予謂公語之故公正色曰  
果爾老夫當爲戎首送之門語諸偏裨曰功成列位卽總  
戎矣使者色阻一城遂安

梅克生以御史監寧夏軍將督戰一賊提大斧自女牆躍  
下乃許潮也相去咫尺克生了無怖色故前迎數武好語  
之曰若來降耶賊卽長跪諸衛卒亦至卒成功陟中丞總  
制宣大

魏確菴先生討寧夏賊城降矣以說下緹騎獄時李肅敏  
爲御史大夫會孫富平于演象所富平問李寧遠且至急  
抽身起肅敏笑止之曰特借公爲重耳不煩齒頰也寧遠  
至肅敏曰確菴生歟在足下父子寧遠急遽以頭叩地仰  
天懇辨甚曰肅敏曰吾固不爾疑也指各衙門揭自地積  
至案幾下許曰如彼嗷嗷何明日寧遠投大鎗田義泣懇  
曰魏公脫有不測梁父子歟矣尋得俞吉魏竟放歸所謂  
各衙門揭者面覆一二耳肅敏才畧與富平迥別

穆廟時江陵越次大拜平湖與有力焉奪情後知天下公  
論側目江陵稍稍示崖異一日以少司空謁江陵於待漏

院六卿見者多立語平湖故索坐坐良久深談江陵曰與  
繩自顧學進乎曰然江陵色變曰何以知進曰常見已過  
蓋江陵方怒王司寇用汲不已幾至追杖之平湖故以此  
諷江陵意亦解徐曰兄寓去此幾何曰里許曰幸咫尺可  
朝交也平湖曰尚恨不遠耳江陵怒曰與繩故欲分宜我  
耶平湖曰世之側目於公者何啻如分宜人苦不自知耳  
尋被白簡謝病歸

江陵時杖御史劉臺先呼金吾大帥曰近來廷杖者該衙  
門賣放若仍前必叅寃矣金吾唯唯出時戶部郎周思敬  
多方爲劉解無計夜半叩金吾門金吾以桑梓誼倉皇出

見訝問故曰君何來曰從首揆所且致密語于君早晨之言不用矣詰旦劉幸不死杖下金吾復命江陵述周員外云云江陵默然周尋請告去此所謂仁術也官至少司徒王文成擒宸濠將獻俘尋又奉旨縱之鄱陽湖朕親與決戰諸倭幸欲借此邀功也文成出問道械濠先驅過玉山抵抗以濠交太監張永出諸倭幸與濠交通諸手書對永焚之解兵柄養病九華間調劑左右永力居多

江彬提邊兵至南昌意叵測人情洶洶文成百計安之邊兵橫甚公令地方居民凡遇邊兵必與揖讓敘賓主禮歲暮伏臘及元旦清明諸令節人人焚香祭掃以動諸軍鄉

心見者多墮淚彬侮南兵弱心易之公賞勞邊兵時命彬  
按籍呼名令我兵與邊兵角我兵輒勝彬大駭又以公書  
生也必不能射公三射三中邊兵大呼曰神箭也彬膽落  
逆謀遂止不知與北軍角者兵皆選不必人人爾彬駭暨  
于久墮公術中矣角技而心不動故能命中此皆自學力  
中得來

諸佞幸既不得志于文成時時托中言召之將甘心焉張  
永私止文成勿來計不行又譖曰王守仁且反矣試召之  
必不來永急使人促文成令倍道至未幾文成果至矣上  
乃安居不賞之功扶震主之威而身名俱泰者有人乎繆

公之側也

彬夜半索城門鎖鑰時參贊機務者喬白巖公宇也持不予曰明晨面朝廷相付彬亦無如之何

楊文襄之誅劉瑾奴在卽用其黨張永公所以中永者逆朴大兵將至良卿瑾必阻永迨入傳旨核實而後許獻俘永問道以輕騎直入豹房卽以真鑄之檄作聖罪案不煩片詞先奏於太后得旨而後乃力擁武宗就寢次縛瑾卽此獄成瑾儼矣幾在呼吸

朱中丞純具文武才畧清強峭深惡墨吏大猾如仇前後所操切黃墨以下多望風解卽綬去其撫閩浙悉掃一切

應酬蚤夜中約束通海內地當是時謁粵諸貴人多家於海其處者與在朝者謀破敗公所爲至革巡撫爲巡視稍削其權公聞之益怒數上章廷辨侵及執政執政勿善也公提兵平漳州同安寇撫島寇六百人移鎮定海屢破賊餘皇又大破賊於溫蔡南麂諸洋凡數上捷僅一拜賞而最後悉平佛郎機黑白番船擒其酋并餘衆四百有傳其爲變者公傳令悉誅之言官遂皆公安殺時公以移病得予告而削職聽勘之命下矣公居恆歎貧無賄賂負氣不忍語不任獄縱天子不欲歿我大臣且歿我大臣卽不歿我而二粵之人必歿我我歿自決之不以授人也乃草生

誌慷慨飲鴆以卒自公得罪後其官亦罷不設中外搖手  
不敢言海禁事居數年海寇大作東南爲魚爛者二十餘  
年而後定議者以爲不罪公海當無寇而二粵士大夫猶  
當然謂寇自朱統始嗟乎今之通海者十倍于昔矣浙以  
西造海鹽市絲枲之利于諸島子母大約數倍賂利者走  
死如鷺島上人至并人舟並收之及今三十餘年借以爲  
異日鄉導輕舟熟路其所蹂踐魚肉當百倍于昔顧安所  
得朱公者而委之卽有朱公亦必不用卽用亦必以文法  
掣其左右手余故誌此以爲左券

沈江村啓以南工部改刑部員外郎中守紹興遷湖廣副



使方佐張中丞兵破黑苗寨以功狀聞而追論紹興守罷  
蓋朱中丞純嚴舶禁而公奉行之甚力中丞坐累不長死  
而公不免矣家居著述極多吳江水利考大有功三吳余  
惜不及見之

陳筠塘三十外始歌鹿鳴教授里中諸弟子歲得修金至  
一二百金蓋督課嚴間風者腐集故也凡十六年而始登  
第所得修儀卽買山川及窪產價自五錢至二兩止人嘆  
之曰吾力不能多也未幾窪者堤高者有水可灌歲倍入  
至今稱腴產人問之故曰吾凡事認真故事半而功倍也  
遇公車諸公輒舉此勸之令其力業曰今而後吾可以不

苟取矣惟勤惟儉可以養廉有味哉

有小吏宦黔中者歸言庚申六月十二日巡按御史出巡至某處地方爲苗子所辱奪其損刦其行李去其衣冠被髮坐沙中撫按不以問不知何故至舊職方被察者亦以黔功起官吾不知所謂功者安在也張中丞鶴鳴大創苗孽十二歲以上者悉斬苗人欲乘其歸刦而殺之一日中丞羅十數承舍中山他道去故建大帥旗鼓盛儀從走故道苗人不知也剿办與中虛無人諸行李皆草具苗人喪氣而散尚有古智將之風

徐御史玄初令吳江饒才畧機變多出人民有數其事訟

之當道者當道下其牒于令令思殺之無名縱之不武盛  
怒捕其人至大笑曰鼠子敢激乃公怒耶乃公故不怒也  
叱之去立引燭焚牒然所焚者非原牒也一時稱能吏其  
翁亦繡衣

仇鸞挾造爲重陰令義子通造驕恣背逆時上寵不疑已  
佩大將軍印自處等諸侯王舉朝側目適疽發背不能軍  
文貞密請于上前收其大將軍印尋歿鸞盛時分宜借以  
殺貴溪文貞亦收鸞印而柔之鸞敗分宜欲借以傾文貞  
尋知收印事乃誦

陸武惠炳以權術機變得幸于上文武兩途大小側目凡

上所譴怒下緹騎獄或予杖炳構奇方製良藥陰救之耳  
方左右批鱗之士多所全活諡之曰惠不虛也先後緹帥  
俱出其下

黃觀察景初令長興饒縣畧慷慨不羈邑有挾邪術倡亂  
者曰馬道包松奉爲師一時愚氓翕然從之賣官鬻爵價  
各有差數日間聚至數千公夜引數卒躬造其地立擒松  
以爲馬道遁去諸黨烏鼠散明日公引松至道徭杖殺之  
當道初驚駭議遣兵勦其地公報曰罪首斃矣餘可不問  
一方賴以全活時惠倭營長興故無城公張空拳蒿日作  
無米炊未幾城至公利賴

徐文貞命其子璠督萬壽宮之役甚勤令人私覘之曰公  
子作何裝束曰衣冠如常儀公怒命易以曳襪袖金錢勞  
諸役情者輒與杖百且而工成焉上大嘉晉太常少卿遂  
奪分宜之寵故事工役給于中貴人借此乾沒諸工食不  
欲速就千夫不得三百人之用太常非挾華亭之勢亦不  
能行法于將作也

陳節愍嘗奉命典軍籍過日輒識其面且記姓名弗忘有  
再至者數答之叱令其去總戎懼請罪公上其事於太祖  
嘉之賜金織衣一襲

周文襄善記憶有好民以事經公斷理後復訴公公曰汝

於其時某處吾已決之何爲復言邪吏於糧稅有所欺隱  
則曰某年撥某處若干存留若干以籍驗之果然吏驚服  
以爲神

倪文毅留心世務經史之餘凡生民休戚財計登縮戎禦  
利害無不諳暢歷官陞政每大廷集議慷慨持正論一時  
儀文古典軍民重計多公裁定公又長於奏議一寫千言  
春容暢達考古道今會文切理下至瑣屑案牘吏人旁候  
運筆如雲畧不經意

余出鎮在部嘗有兩場家爭田多未決部段大理之甲以  
其地名與已姓同姓爲其家故產公曰然則其家海盜張

產耶一時服其明敏

曹文忠公爲人疏通俊爽初就官不樂頗得繁劇一職改  
泰和典史時中使旁午置郵無虛日公處之裕如延禮名  
儒益進學不倦復修舉子業遂登進士及第西楊先生嘉  
其志薦入經筵復入閣與政士林榮之自東楊後議大事  
多決于歸明敏之才頗相類焉

嘉靖初花馬池有警鎮巡遲遽請兵策應時朝廷命九卿  
會議皆以爲必當發兵不然恐失事獨王晉溪時爲太宰  
別疏題奏曰花馬池是臣在邊時區畫防守頗嚴必不能  
入縱入亦不過剽掠彼處自足守禦不久當自退若遣京

軍遠涉遘境道路疲勞未必可用而沿途騷擾害亦不細  
儻至彼而寇已退則徒勞往返耳臣以爲不發兵便然水  
兵竟發六千人命二逆擊將之以往至彰德未渡河已報  
敵出境矣一日入朝張羅峯與晉溪相遇於朝堂羅峯舉  
手賀晉溪曰古人稱老成謀國公前日料敵如見亦甚奇  
矣卽於報捷本上稟請賞晉溪四表裏銀二十兩

英廟北狩日景皇卽位于肅愍公入見泣曰賊不道遯  
我皇輿旣得志必將長驅深入宜爲計急召募義勇起集  
民夫更替漕運官軍以備操調令工部分局督造戰具京  
師九門爲最要宜用分兵以守而徙城外居民入城通州



倉粒數百萬不可棄以資敵宜令在官悉詣關支隨其多寡官籍其數以准月糧減兩便大同宣府經剽掠者請出守臣訓練士卒挑濟墩堠凡關隘墩臺各令有備軍旅之事臣請任其責朝廷嘉納施行焉

宸濠反朝士駭愕持兩端陰卜成敗爲從違王晉溪公獨奮曰豎子烏鼠聚刻期成擒又曰王守仁據上游躡濠後擒濠必守仁乃從直房頃刻覆十三疏首請命削濠屬籍正賊名次請命平賊大師趨南都次請命南和伯方壽祥防江胡南都次請命南都文武臣戒嚴次請命尚書王鴻儒主給餉次請命王守仁率南轅兵由臨吉秦全率湖兵

由荆瑞李克嗣鎮鎮江許延光鎮浙 叢蘭鎮儀真遏賊  
衝俞諫率淮兵朔南都已而守仁擒濠如公策禮部主事  
梁焯語人口濠反時朝士歸心者十之七且曰濠必成屹  
屹不亂獨晉溪一人

丁丑八月間武皇帝單騎巡邊朝士凜凜曰遠則漢高帝  
之平成近則土木可鑒也議嚴兵守京師王晉溪乃馳奏  
行在命文武大臣守都又密調將士列伏邊城大同遼東  
延綏士馬皆集行在又請暫命大帥一人開闢河間近保  
京師遠控齊魯又于大名武定權署兵備副使二人鎮壓  
盜賊又檄薊州都御史臧鳳保定都御史李瓚嚴兵要害

爲駕蹕扈又檄山東河北飭武事又檄在京守備時察奸  
宄是時乘輿出邊逾年無警京師至于邊服安堵如常公  
籌畫鎮定之功也

初宸濠報至南京內外府部大臣計無所出都人洶洶喬  
公守時任留守從容籌畫若平時客至則談笑飲奕自若  
京師恃以爲安

賊公九疇撫關中黜貪威望愈振初六卿使外文移不得  
徑下按察司以故假憲不受約束公首奏下之

正統年間高廷較一邊將本左軍都督府之職而誤寫右  
軍邊將旣受較兵部具疏請於何府支俸疏下內閣召武

選主事鄭厚至衆皆訐其請敕手本之誤欲罪之惟東陽先生徐曰鄭主事你何出身對曰生曾與會試東陽曰然則豈不解王言如絲其出如綸乎敕書旣云右府卽合于右府帶体何誤之辯衆釋然時謂得體

萬曆戊申東南大浸予諷甘中丞請蠲際帑藏虛竭請蠲之疏首達者報可後卽留中時蘇松已先拜疏浙後聞恐不逮衆情皇皇從父連叔謂予曰事急矣不鄙由徑中貴孫主織會城最得上眷所奏郵述如神武林某者入其幕蓋因之遂如其策旬餘果得俞旨全浙瘡痍免追呼敲剝之慘者從父之謀也

深心

長沙於逆瑾時以委蛇見疑顧其素無餘貲晨起夫人輒具紙筆索書以爲常公頗厭之夫人曰相公斬數行何以爲午餉具耶更知其初念不爲富貴也

達觀和尚入京時慈寧賞賚甚厚手不染一文以此難和羅被達然上終不甚怒也

分宜盛時門下佞幸造元輔坊於臬司前時僉事顧公某華亭人也執不可按察乃朝廷法司相公欲堅坊寧患無隙地耶胃子欲以考功法中之分宜鑿堦曰海內視吾家不知爲何等物不若留顧僉憲稍存體面今堂者有私憾

竟作放膽文分宜尚畏公議者也

荆川先生平居冬不爐夏不扇敝衣冠終日夕端坐盛夏對客體不汗巖居數十年四方之志甚銳過自磨鍊以成功名一出而兵敗名損吾不能解也

王司馬積有勸亂才事未及訥然若不任者及之則若然中節旣至而叩之又若不任者三佐藩而以戰功得金幣實然不肯爲人言兵事其補陝西也候缺踰歲至賣衣裝爲僦炊費乃上書乞休吏部爲愧而後補之仕宦四十餘年僅具中人產

徐文貞作相時以諸子托馮南江御史孫穀齊宗伯有不

法鄉人輒具手本于二公二公面責諸公子或杖其綱紀  
呂君需文貞督學時門生也作相時延爲幕賓每相見輒  
正色直指徐璠云云公亦強顏親之前輩苦心如此其子  
猶或不法況今日乎

劉忠宣公大夏凡遇事有當行未嘗先洩有疑未行者不  
以公移顯行雖屬官亦具手簡直述其事紙尾書名以故  
委事無大小無不盡心力不相欺負

楊石齋久入閣漫無建白人易之值武皇南巡倖臣竊柄  
天下洶洶有狂生上書數其過公上體泣下日久不負良  
意已而當武宗崩于豹房禁從兵悉屬江彬安危俄頃公

審計擒之始服公之才量



# 名將

胡襄懋鎮浙時一日宴茅少宰柳州亭至湧金門內麻陽  
兵琴興清月程公好語慰之已復譟呼者三公若弗知也  
者赴宴賓主歡洽時譟卒候道左俟終席再請之漏下五  
六十刻席未散諸卒弗能待也競趨去明晨公開轅門忽  
呼麻陽兵入數其罪斬隊長一人懸首於街蓋昨暮宴客  
時公已蚤入有胥公者代公周旋旁觀者勿覺也卽此機  
變有古名將風

襄懋雅才譚襄敏給時譚與曹公邦輔各備兵浙直襄懋  
有奇兵欲委譚令兩兵使各具議襄懋故舉曹而叱譚曰

腐儒安知大計賊聞遂易譚譚卒以奇兵勝襄懋善使酒  
酒中嘻笑怒罵皆兵機也

世廟末倭據興化俞大猷攻之久不下胡襄懋命叅將戚  
繼光提兵三千赴援繼光入閩請于中丞曰幸借一營安  
諸軍遠來疲敝不能戰也當作持久計中丞許之繼光夜  
率軍衝枚疾走人持一糗煤及土硃各一囊明夕抵興化  
城下三千卒各塗面攀堞而上倭偵知兵不時至各大醉  
我兵卽抽其矛刃薛卒此覺錯愕不知所出互相殺且盡  
我兵開門繼光具大將旗鼓砲而入城中倭往南門逸門  
大開亟走海濱伏兵邀擊之倭盡殲賊所掠子女玉帛悉

入繼光蒙充軍需大猷忿甚伎繼光專其功蓋戚以謀勝  
俞力戰無益也

項廷堅兵使語余云百年來能按古兵法治軍政者曾幾  
懋督餉遲誤者止十刻一戶曹郎一別駕立斬以徇或讓  
公曰不已甚乎曰此三軍司命也未幾緹騎來逮公候轅  
門者三日不敢入公聞乃就縛焉上猶怒諸校稽遲杖之  
百鐫一杖云公去鎮後積鐵羽數千萬習猴于馬上接  
矢幾數萬矣公無罪身死爲天下笑惜也

趙中丞浚谷解節後蒙宥不羈時混迹劍客中以自見奇  
已酉寄語本兵曰賊將大舉入寇矣幸蚤爲備丁司馬汝

斐大笑曰老禿翁技癢不自持耶安得此不祥之言明年  
遂有庚戌之難司馬僂西市

胡少保時得一白猿將獻之朝廷令人百計馴之教以跪  
起稱觴之節不用命謀之豢狙者曰是不難呼老狙十數  
共習之一狙不用命輒拔劍斬其首猿股栗左右無不如  
意嗟乎此得孫武子兵法者也

徐元玉有貞金齒放後以將星在吳頗自負一見韓襄毅  
歎曰天象乃爲此人也吾不振矣

王晉溪在西北修築花馬池一帶邊牆二指揮董其役二  
指揮甚効力邊牆極堅且役功亦不甚費有羨餘銀二千

餘兩二指揮持以白晉溪晉溪曰花馬池一帶城牆實西北要害去處汝能盡心丁此一事此瑣瑣之物何足問卽以賞汝後邊警卽遣二指揮提兵禦之二人爭先陷陣一人竟歿於敵

韓公雍征大藤峽出兵令五鼓戰時將領聞賊已覺恐遲失事二更卽發大破之公賞其功問以違令之罪以軍法當斬乃具聞請釋曰萬一不用命而敗奈何人謂公得將將之體

王威寧搗■時值大風兵威前却有一卒曰此天贊我也出入令人不可測威寧下馬拜之卒成功征淮西之以雪

夜也敗儂智高之以元宵也所謂動於九天潛於九地如鬼神之不可測識也

循良

李中丞守吳興擒二巨豪一郡快之諸生中小不如法一切除事無不洞悉有觸輒發未嘗苛求也一日坐堂皇有隸籍而侍公呼曰若有弟亦歸安隸耶其人呈急曰若隸耳何以兼教唆且兄弟同業何也其人不能隱叩頭請死公曰汝能盡發諸教唆於郡中者吾且貸汝死卽命片紙書其某諸主名分捕之立致庭下各書諸同黨於各鄉邑者以次捕至輕重予杖再犯必無赦期望其結狀數年間狐鼠絕踪事簡刑清公所寄耳目卽去任後莫知爲誰先鄉紳入郡城爲某居間某惡少主之某從史公必預知

未至賓館其事始末已洞悉矣某鄉紳子弟能文章苦讀  
某不肖父兄不善教公不時召至面試之公待諸縉紳不  
惡而嚴令行如流水得其要領也

嚴溪亭先生初令分宜止攜一僕一敝簾寢後堂卽衙齋  
不居也治國如家愛民如子數十年後張莊僖公過其邑  
邑人知爲先生鄉人也牽帷問曰嚴外婆無恙否曰棄世  
久矣聞者大勸罷市三日嚴先生真道學不獨循良也  
臧堯山公守雲間海上多巨盜竄莫可誰何當事者欲移  
兵勦之公力持不可口如玉石何擒一二渠帥以獻一方  
賴以全活今尸祝其地



安吉錢諱漢以貢令永豐 世廟方開礦旨下部矣漢泣  
請于按使者使者推案起曰若何官敢抗天子命耶竟退  
衛舍永豐長跽不起使者思之夜半復開門讓曰此吾輩  
所不能亦且不敢令何不自量漢固執如前語使者下階  
曰汝尚爲地方請命吾獨無人心乎卽令漢草疏上事竟  
寢漢卽玉川父也玉川爲貴溪主簿令安定五世單傳今  
有五孫三在庠天道也

鄧朴野炳初令上海再令常熟三令長興正戊子大浸後  
百姓流離催科之檄日迫公屹然不動曰吾何處下敲朴  
卽罰俸不顧也謝絕一應交際蔬食自奉暫進一魚人以

爲奇楚人多剽悍公獨寬靜持重通籍十四年癸巳遷戶部郎王洪陽中丞亦不甚知之至陞任時竟不及開俸顧涇陽先生爲選郎始破恒格至戊申大稔百姓有思之者輒泣數行下曰當年非鄧使君吾輩不知歿徙何所不及更見今日矣

丁未有望氣者云明年吳興有大水予告梁溪陳志行公當早爲備荒計梁溪公卽留心積貯至明年果大水已備粟萬斛蓋公實心任事亡論其一片血誠眞可泣鬼神卽其精神貫注晝夜不倦少年不及也力請于當道借藩司運司各若干金各州邑設處若干金勸富民各出貲赴江

楚給以軍門印信牌票令巨室各自爲救荒計數月四方  
之米十數萬集城下本地米價頓減初水發時好民洶洶  
結黨成羣爲搶奪計公立擒之發各州縣杖殺于市以明  
法亂者戾粟地方安堵公立法人作粥廠分食饑民躬  
自查覈周悉詳盡饑者賴以不斃勸富室各以所糴之米  
如江楚價分賑人亦樂從又設法弭盜責成于武弁盡信  
地分守一失事罰治不輕有功者重賞其餘小偷經其尤  
者係于獄日給升米養之里老每朔望呈首各里偷兒如  
前法至有年方縱之去各村落得安枕德清有聚衆搶米  
者四人各分米四斗公以強搶論或審報兩院鼠輩不重

懲則效尤者紛起若以四斗米論成則太刻姑立案浮係獄俟年豐再議三院俱報可公之操縱寬猛多如此類戊子之水不及半月戊申大浸自夏至冬戊子米價至一兩八錢戊申止九錢所全活無算而巨室積米者大失望于是怨聲起矣 故事預備倉斗級僉者傾家太守下倉一盤穀立費二十餘金有老友張姓者嘗爲其至親攢眉躬往左右之及公下倉所費不下二金其家大喜過望特爲予道其詳 徐守爾子母黨至親也僉白糧解以賄蕩其貲貽累二十年熊壇石父母監追官鬻其樓五間於姻家張姓者印券甚明張弁欲吞其臥房捏包頭告府梁溪公

方重懲包頭徐論徙予告梁溪曰公以賄論卽杖殺爵且  
亦瞑若包頭自糧乃其止身也梁溪更審張亦無辭行縣  
勘房坐誣予私于熊父母曰徐生寬白矣其罪若何熊曰  
徙已申守道無反汗理予述其語于梁溪蹙然曰太守直  
可認錯安可令徐無罪而徙竟申白免之公之虛公不吝  
改過如此

石父母有恆令遂安毛尚寶一公以黃門削籍者二十六  
年是不入公府四子各田十七畝皆先世產也其長君先  
卒有四孫以貧鬻田僅餘五畝隆冬單被石父母課其諸  
孫文藝俱未優及尚寶計將至亟請下學使者廩其叔子

有父母生平無所假借獨委曲此舉千古高義哉又何必諱其名也

## 法吏

豫章黃公儒守湖方嚴精核歸安令施愛少年不理邑事  
午餽後輒與諸僚狎飲吏胥博堂上一日方博有荷其肩  
手奪博具去回視之乃郡公也急跡之守坐堂皇召令庭  
責之上其狀於臺使者尋褫職或以甲科請寬假公不顧  
也各邑令凜凜郡中始知有太守

陸司馬穩按察豫章時劾一墨吏遣千夫長以鉞銀鎗鎖  
之在世廟時法紀尚嚴今司道反畏令矣

范賜陽公沐以南昌守升驛傳副使有一御史一新進士  
借傳符橫行諸驛公歎曰豫章孔道也漸不可長疏劾之

御史以下各銜秩時李肅敏爲御史大夫

臧堯山先生繼芳守松江時華亭當國公其門生也有一舍人兒譁郡門加責不稍假太常見弟不敢認也 公清標勁節徇徇若處子諸青衿來謁者感暑必公服見訟課稍涉私輒行學戒飭一肅敬而畏之

梁溪陳志行公初令確山鄰邑有以妻通姦謀殺夫論磔者下確山會獄獄情取證于小俊才蓋十二三童子也陳公疑其冤置俊才衛舍以好語探之十數日俊才忽露一語云殺某者非某也陳公急于獄中呼其奸夫曰汝有生意矣其人亦曰昨有一人同係獄口稱殺某者實某吾備



知之固叩其姓名曰若何以謝我曰吾家止有一驢願以此爲質陳公跡其驢果然而鞠之蓋被殺者乃韓子曾爲族中報仇倩一人殺某某家仍報其仇故被殺小俊才之言一一不妄其婦乃得自上官止出其罪婦泣曰小婦之冤自矣夫折左臂可續手上官嗟歎久之地方呼確山口陳青天尋調中牟其不得行取亦以此故蓋某令以及其獄仇之也

陸士明吳富室也晚而家落托述書畫家僮魏鯨竊其貲鯨致巨萬士明有所望于鯨鯨遂挈貲并士明妻子投獻于吳吳故中少師夫人母弟也官鴻臚遂持內閣牌

面擁數十人突入士明家縛之床褥間其妻女逃奔赴水  
幾死匿小舟以免吳問士明妻女安在曰不知所之籍其  
貲無多徵其故產曰已屬他人事久不可復問矣吳繫士  
明吳縣獄明妻泣懇申公子孝廉亦似不直吳弟戒勿入  
府一入府不能爲若計矣又懇之李漸卿漸卿曰非府無  
能救若者時守乃黃梅石楚陽公也明妻哭赴府吳以四  
十餘人圍之郡門不知其所以入太府立語之曰若親族  
有人乎曰伯子士仁青衿也在門外呼入問狀檄吳縣解  
士明吳令卽周吏部也聞報月餘尚未去任太府親  
書牘尾曰仰縣將犯赴府聽審縣官不得枉殺平民并逮

該吏令率吏請罪公好語之曰君入目爲銓司獨不能行  
法于一豪家乎責其吏令請曰是吏代令責也公曰令自  
令吏自吏何混爲倍責之時吳縣有丞陳善道北人頗負  
氣公以達吳委之丞叩頭曰吳匪相府一丞何足以抗之  
公故激以危辭丞慨然任其事請捕役自隨公笑曰不然  
吾以孤老四十人付若丞卽解冠步往仗劍趨相府申公  
子出見之丞泣且厲聲色曰罪人不得丞必辱于太府丞  
義不受辱請伏劍死申公子度不能解請緩一日稍殺太  
府之怒然後出見丞曰請一函吳君然後可吳出丞扭其  
衣襟相結申公子遂托郡丞以下致意太府於是率吳出

見遂并士仁下獄魏贊問戎視吳官輪鬼薪上之撫按撫  
按李諱沫故嘗疏論吳江陵負抗直聲者也搢政府意古  
讀府檄大罵曰守何能戍人吾且持檄不下太守責吳曰  
憲檄不下汝安得生出獄中丞無可奈何卒如府讞而故  
其其辭曰殺賊者罪止戍乎太府亦不顧時婁東公怒甚  
中丞謀之一鄉播紳及銓部君遂借一那借錢糧事劾太  
府太宰宋公繼以知太守者謀之功司曰吾知守安得妄  
汚嚴之姑令致仕王功司教持不可曰公細玩中丞自簡  
乎所云錢糧尚在縣不在府也守何從案指宜請助於是  
遣御史甘士儉往勘甘徧問吳下諸士夫有指天者有指

心者什故與中丞同里卽以公論致書中丞不肯渡江仍  
委陳御史龍芝直勸以直覆于是公論大白守第罰俸而  
周吏部調外任矣時監使者韓 故左祖中丞三學諸士  
蔡燦上使者留太守試士使者怒曰吾以同籍故寬石守  
若等曉曉何爲者諸生抗聲曰太守且去斷組者至矣諸  
生寧干澤哉顧申公議而直走諸司譴于樞臺之門必得  
公角巾主試乃已亡何韓入復命御史大夫李肅敏以其  
失薦紹興三守張佐治左遷廷尉詳一時稱快時陸莊簡  
爲冢宰議調石嘉興不得缺改守紹興治行如蘇竟遜色  
以去晚年乃授節鉞而李中丞卒以此被劾歸終身不復

懷陳甘雨御史相繼開府獨王考功以公正削籍早世弗得

陳恭愍政尚簡易獨於職吏不貸然受賄百金者要辭但列六七錢或問之公曰污人惜才如惜命若貴賂厚彼輩尚貸誰人則法撓而難除矣

節烈

周守志

楊忠愍公將就刑北都郎王遠痛哭執手與訣公談笑自若鼓琴數闋無異平時北都口第有一女品歸郎君未幾夫人箕帚公曰此是年兄事弟不敢與聞矣夜半赴獄如歸日賦二絕有正氣還太虛丹心照千古之句

胡襄懋功成後舉慶成宴於京日席間有獻汪直首者衆未敢信時汪愛妾翠翹供奉酒次諦視曰眞江首也公問曰何以故曰直自負伏犀常以誇妾此當不妄一席稱快酒罷翠翹慟哭赴江去嗟乎朝廷養士數百年疆場內外盡如翠翹時事當不至今日矣

荆川先生鎮淮揚時兵敗疾革且瞑矣矍然起索一牌手  
書曰歲荒民饑有司宜加意作糜分賑弗以本院物故草  
率了事投筆而逝

倭至高郵一老青衿負七十老母避寇龍王廟中伏老母  
神座下身具衣冠手持一槍伺門內千戶隙觀動靜倭適  
來窺戶生一槍直刺倭伏地更乘勢刺殺三曰倭倭出不  
意驚却大兵繼至遂勝時賊堯山先生爲巡河使者遂以  
酒幣勞生大書曰保障江南第一功近日遼陽之敗諸生  
父子七人手格賊二十餘人自分必歿故氣勝賊摩卽此  
二事得六十士千人可以橫行議者必練卒十八萬然後得



志竭中國膏髓以守一隅吾不信也

瑯琊公病劇徐太常公于往候之時太常得心疾亦病久瑯琊挽徐子曰僕且清清活耳又有一懿親與瑯琊爲竟夕談語及楊無敵家傳俗所謂楊六四相公者公縷述其世系及今井井不亂人以告陸文定文定素不喜瑯琊徐曰此何足異也我有一同年監制問創子子曰我有一心事與若商之曰何曰我胸中無一事獨有一文連未了不知時刻將及否創子子佯應曰尚未猶可及爲也卽曰占命一人代書書訖愛用神色不變此康虛修爲子言之

# 忠義

海忠介公下獄久一比郎携酒看暗之公浮白且大嚼曰  
享此幸不作俄鬼故事歾犯臨刑倒有一饗俗呼爲活祭  
郎驚曰公何爲出此不祥語聞聖躬不豫恩詔應有期故  
以此相慰公推案大慟哀感左右一獄無不洒泣者誠純  
忠也

一日予宴客演鳴鳳記忠愍公赴難時斯養及與夫市井  
兒無不流涕者次日予詰一蒼頭曰若何哭對曰楊公典  
刑時夫人問所欲言楊公張目大譁曰若見我平生有一  
私語乎蒼頭啞咽不能語予不覺露襟衣冠中有坐視不

動情者二人

陳中丞道亨南樞院之時光宗之計適至公方坐堂皇大勦昇龍幾什地左右見者皆歎歛

文皇帝兵入金川門襲翌字大章年十七爲守卒大勦越城去還家肆力學書著述不輟宣德間廷撫周忱累候其家諮訪薦爲教官不就曰翌仕無害于義恐負往日數行淚耳竟隱門人謚爲安節先生

許忠節達令樂陵劉六劉七之亂樂陵尚未城也公令民五家爲一柵家自爲守每戶以磚局其門簷下開一竇以梯出入賊至矢不能入火亦無所施相持數日寇刺不可

得遂去公負于中途伏兵擊其情歸賊大敗擢武定道僉  
事尋副江西臬袁濠之難報至中州云寧王反殺一憲  
副乃翁聞之曰必吾兒也爲位而哭其生平志操可知矣  
一日謁忠烈公語及袁濠攘臂拔劍曰本道當手刃此  
賊忠烈笑曰八十高堂作何處卽納刀靴中而出

包御史孝按楚與鎮守顯陵太監廖鐘相訐上震怒下之  
獄戊莊浪十年艱苦萬狀不敢自別于卒伍嘗遺書其家  
曰雷霆雨露盡是君恩險阻患難無非臣節所恨者鵲日  
書帛不察蜂蟻螫骨力微不能挽強虛糜太倉一升粟爲  
愧耳尋卒與視而歸楊一齋先生躬迎其喪于境外哭之

勸未幾楊亦以絨齋增賜綬

李獻吉夢陽郎戶部時上奏孝宗皇帝萬言書酷似賈長沙幼時寧侯鶴齡見帝中有張氏語中宮疑其誦已也左右跪前激上怒詰杖之上持不可明日語劉忠宣曰一杖夢陽死矣竟釋之謂休數月夢陽出獄後酒酣于馬上遇壽寧持鞭追擊之其忠憤多類此後孝宗崩夢陽有十年放逐同梁苑中夜悲歌泣孝宗之句予每三復之時爲沾襟

裸

呂司徒坤上疏力阻礦稅勸哭入左掖門上聞之頗感動疏中有臣不敢濫干竊以諫之朋友令德歸獨斷名垂萬

世諸語疏將下部四門除令司禮上司徒所送閣中揭上  
悲曰若何以云不敢瀝也擲其疏于地當路之枝如此  
楊忠介公得下獄貶朝廷忽賜一裘爵叩首曰囚安敢服  
此雖然君命也敢不拜遂長跽而頂戴之上聞怒稍解  
楊忠宣公以兵部尚書發戍隨帽布袍徒步過大開門旬  
旬頓首策一蹇卽行時同朝莫不加禮不欲公至戍所公  
曰大夏有罪不加誅之今復不服役耶技甲持銳與諸卒  
無異莫不歎服

夏忠靖南京扈從皇太孫周行鄉落以觀民俗至一村店  
取黍進曰臣願殿下味此以知民艱難

鄒公汝愚寫懷詩有日人到白頭終是盡事垂青史定誰  
真夢中不識身猶繫又逢東風入紫宸辭朝詩有日盡披  
肝膽知何日望見衣裳具此時但願太平無一事孤臣萬  
歲更何悲

清脩

乙酉冬孟尚寶秋來謁不敵組袍形容甚羸先大夫微服  
日見自處信高矣能無爲子孫計乎尚寶不應徐曰憶昔  
守山海時被大計貧不能歸里中竊笑之弟賦一絕曰黃  
金滿載非吾願白首還家未足羞獨往獨來原是我浩然  
天地一虛舟味之清風樂人

余壇諸生王雙山某少貧以館穀爲生數年差自給卽呼  
故時弟子還其餘金曰吾向以貧借此爲餽粥計至今思  
之何功於貧哉清寧若惠耶相卹者亮其素節亦不强舉門  
子舍金工一技藝非不巧人亦有不爲辱也



羅一峯先生僑謫居里中日與門人講學日將午未晨炊也急貸米于鄰生夫人報公曰無薪奈何劈一椹作糜路太史文盛足不入城府郡守時使人廉之不得偶張莊僂之喪太史福舟出弔僂者急報守守出謁杳然不可物色矣

韋公厚清介有奇操官至黃州二守貧不能具餽粥歿于郡中一浮屠太守高其節代爲棺殮予商臣以建言廷杖至少參月且不及其父亦缺事也

莫康溪先生罷官歸餽粥日不給時以麥代粟或請居間先生曰然力節之有餽者數受門人詰其故公曰受餽禮

也居間不義也

劉忠宣公大夏家居時客至出麥飯侑以糟蝦一碟爲竟日談古人簡朴如此

予飯于聯城王中丞汝訓家麪一器蔬菜倍之酒數行竟日清談賓主歡洽庚戌冬訪龐武部時雍于汶上較聯城公更伶尙訪周孝廉自淑兄弟不遇望其陋巷茅茨恍然見鄒魯之風

歸德祖公罷相歸蕭然一室庭中借蔭于鄰家一古樹納涼馬門外樹一小坊題其上曰奉旨提督三農使者木塾鄉校長

蕭九生近高山中書舍人長省垣自請出叅藩不願九列也  
以浙藩右使請告不濫一塵有勸之仕者其夫人聞之  
曰不做官也罷二十年空囊如洗何樂乎官也

吳文定原博在詞林三十年文章典雅書法看山前後主  
會試及分典者各再纂實錄及會典者三於大典故考據  
詳核晚年見阻忌公潛然弗屑也捐館後子孫貧不能具  
饋將王文恪公家檢故籍得書一籠題曰吳原博寄取還  
之書中皆赤金數千葉餽者以公不受故薄而諛進之公  
不知也宋兆隆相公爲予言其事

平潮馬比部應園可司管節倚其堂曰臣節永雷若君恩

歲月閒讀之愴然仕宦數十年居恒蔬菜不能四簋一鄰人微周之北鄙感其意適有訟陰爲白之當道其人以金四笏密置白粲中以餽北鄙見金大驚并白粲亦不受

陽羨萬文恭士和山庶吉士改吏部自請南人皆迂之歷廣東方伯夫人一夕請問守藏見有數十櫃問曰何曰此餘銀也曰可取乎曰亦有取之者夫人私計曰公以寒儒起家諸子去窮措大無幾何不取此稍自潤公佯應曰諾歸迨夫人問餘金安在曰忘之矣夫人不樂公解曰此物取之易去甚不難曰何以故曰吾以寒素驟得此數萬金或慮過生災陰域壽數經營生息反生勞擾或子孫以驕

奢淫蕩損其家聲又或慢藏誨盜不戒于火種種不祥反  
多不如意事遺至後人或爲人所魚肉皆此物爲累故曰  
去其不雅也官至大宗伯繼陸文定後席未煖而去士林  
仰其高風

外父吳肖峯諱承樞小司冠孫也父行太僕公邢顧宦遊  
時重貲至數十篋歸橐蕭然祖母劉夫人挾累世積鍾愛  
外父授以鎖鑰恣所取公取川扇一柄人以爲癡中年世  
業幾盡居松陵市中且館于董宗伯一切無所染白首猶  
然嬰孺也杜門吳香晏坐一生未嘗著屐行市中老而貧  
歲周其廢妹有常栗幼子舉孝廉連上公車不第常語子

曰孝廉乃寄書室邑賓館中吾請唾其面八十諸子稱觴  
爲壽諸貴人來賀公不遜自西向坐請貴人南向坐蓋生  
平于勢利真不啻嚼蠟也

海忠介清脩勁節終始不二其才亦自不同賀溪菴邢泰  
守瓊時以賑荒入忠介里造謁賁千金爲賁忠介固辭淡  
菴曰此寒家賣米見寄亦非俸金也忠介受而留之飯蔬  
食菜羹而布衣數十曹拜跪于庭忠介  
曰此皆族子頃受賜不敢卻敬散諸族子以廣大父母之  
惠故來謝叩首而去

山裏毅廉正自持淡然儒素先帥府有鄭牢者老隸也性

鯁直敢言公野半試問曰世謂爲將者不思貪廣西饒珍  
貨亦可貪否半曰白袍黑終不可滿公笑曰人言土官  
餽送苟不納彼疑且忿奈何半曰居官贖貨國憲甚嚴公  
不畏朝廷乃畏蠻子耶公舉手加禮曰教我教我

畢尚書亭爲運使鹽法御史委至真州抽鹽乃潛舟突至  
稱驗之轉湖廣叅政淮人爲碑贈之有瓊花觀裏長廊下  
千古清風滿素碑之句

李襄城閒居手不釋卷服行古道祿賜之外不妄取一錢  
嘗刻漢疏廣及唐羅坦之言以貽世嘗稱晉之郗綏以詩  
書禮樂將中軍晉是以大洪諸葛武侯不使有餘財以負

昭烈君子謂爲大丈夫公自號湛然道人

南垣劉公素性清約蔬布自喜守紹興漢劉寵故處也在  
郡精核廉敏甫五月郡政大治逆瑾銜公出守不脩謁掇  
郎中時瑣細廢爲編氓郡人爭致贖公曰勤苦諸君吾治  
不逮前劉敢蒙一錢耶既去越人肖公像爲小劉祠

三原王公爲吏部尚書署于門口宋人有言受任於朝者  
以餽及門爲恥受任於外者以苞苴入部爲羞今動曰贊  
儀而不羞於入我寧不自恥哉一時帖然

耿公裕爲禮部尚書時嘗曰吾暮自部歸必經過三原之  
門見其老蒼頭每待拜買油吾自入仕未嘗買油故每過



輒而域而行蓋愧也後耿代王爲大冢宰嘗以此語人其  
心服如此

大理卿王公宇初任撫州民多商給繻之錢歲計累萬守  
皆自取以爲當然公悉屬於官郡治旁有隙地前守引水  
畜魚公實之爲舍貯粟以備饑荒郡人題治壁曰闢節一  
通無地入公廉兩字有天知

錢鶴灘先生福有一門生按廬政時令人起居先生曰肯  
借重游裝二十四橋夜月故自佳先生不應一日忽請楊  
使者聞先生至倒屣迎之先生漫語日間此中有一佳人  
洛一鹽賈于我欲一見之非君不能致爾使者面赤陰使

人致意商商且驚曰喜設千金宴延先生至舍出作人侍  
席先生大喜書一絕于白練曰淡黃衫子淡羅裙淡掃蛾  
眉淡點唇可惜一身俱是淡如何嫁與賣鹽人投筆去使  
吾令人跡之不可得矣

朱宗伯希周少年狀元及第清脩至老一日與老僧談因  
果曰吾平生脩行或不至墮落老僧曰公尚未免畜道公  
雖然曰何老僧曰試以公及第後所受世人供奉與所脩  
功德量提而較能相當否公踟躕久之嗟乎今日之高位  
古之夜試一捫心

直節

辛寅敏自脩爲南御史大夫時御史沈如傑借魄遣入私  
橐公立發其事觸震怒命緹騎逮而戍之尋有旨下趙端  
肅錦曰南京御史不下數員辛自脩到任不數月尚能繁  
奸摘伏况羣下諸御史數十員卿錦到任已久何以寂無  
一事可指諸執政皆罷相與含糊其覆未幾端肅移疾歸  
廷推御史大夫姓名以上再三不允尋有旨辛自脩以都  
御史掌院事南缺以海忠介代

袁安節居諫垣時上疏品題諸詞臣有不當閑事專意讀  
書之翰林有肯讀書兼管閑事之翰林有專管閑事不讀

書之翰林一時洗滌甚衆前輩風采今不可復見矣  
董傳策以攻分宜戊嶺表相知邀之遊海上一山白日震  
霆門人及從者僅什立歿公屹然不動亦異人也

馮南岡思旣以攻權貴觸怒論歿謝獄時太宰鉉爲政卽  
思請指妖孽者也公南向不肯膝坐故令諸校強跪之公  
大呼曰丈夫膝下有鐵寧歿不回顧已嘗鉉賊私諸不法  
狀舉手械擊鉉鉉因署其案曰情真公自知必歿相知以  
醢餽之公不受慨厲聲曰恩言官也卽歿當於西市寧  
作此兒女子態耶上使一小閹覘其狀其子行可刺血上  
書願代父歿尋減戍

薛方山先生司南計時分宜欲庇其臺省私人立發其手  
書山陰王龍谿竟以不謹閑住公尋外謫予直謂此舉大  
有王文成風云

陸文定江陵時起家大宗伯故事尚書入謁首揆正席謙  
讓者三方僉坐文定自謂前輩不讓江陵變色曰明公不  
日當正此位公拱手曰向高皇帝罷中書省誰人敢正此  
位問者咋舌 故事首揆語六卿必呼老先生江陵倂其  
對文定止稱號公不憚語次故稱太岳爾意云何出而對  
人曰吾歸矣不能仰面事少年也 文定解宗伯薦萬文  
恭自代初謁江陵問以時事正色曰近日處言官余懋學

太過非體也江陵色變文恭不三月亦請告去

李道甫先生任驗糧總督倉場李幼孜也忽遣一牌專意優卹江陵運艘重嚴需索之禁道甫責其人碎其牌而鄭之幼孜大怒道甫正色曰先生若欲優卹運卒何必江陵若本司縱役需索何止江陵某直以爲非先生意也敢重懲之爲假冒者戒辛巳大計中以不謹大司徒張學顏從中和之江陵訝曰李郎官評何如二人曰他無說也獨以江陵運艘得罪江陵曰曲不在李下石者語塞遂得免總理鹽政都御史鄧懋卿駱先生門下士也權勢橫行天下脩弟子禮于先生尙坊侯儀先生堅不受及門一茶而

別送止階下董宗伯亦在要津以五十金來餽先生堅却之其剛介如此

高祖母之內姪方某少年讀書以孫爲武選司都吏貲頗厚降選桃源縣典史實一塵不染也以疆項爲按使者戒勅杖畢昂首曰要錢的御史是典史不要錢的典史是御史使者大怒倍管之然竟無以難也宦歸放浪破家日占詩非子報成誦卽諸生咸愧之

一按使者爲華亭暨佳園坊上區額時其中牢躬率郡邑長行禮體生贊曰知府就位臧克山公旁立拱手曰統於所尊足矣一時見者俱頗愕然

李中丞願爲南御史巡上江謁江陵封公封公置座于側  
意欲屈公也公佯不省曰令郎爲宰相翁亦閣老位則竟  
與鈞禮未幾出守吳興

陳莊靖公瓚初永豐令節惠愛民嘗從莊貞襄羅文恭二  
公遊以高等拜給事劾文選郎墨而執法者薦嚴穴臣某  
其觸諱杖朝堂謫爲民葛巾野服奉親繼遊山水間後遷  
吏科轉太常審謬得罪以考功法外謫凡歲棧十五年補  
會稽丞遷南儀部郎晉都御史丁亥內計執法驅逐政府  
私人大快公憤時蒲州去位邪黨棧首揆治亂是非頗側  
目于公公杜門稱疾若爲勿任也者陰寄耳目于趙太史



瞿元立搜剔頗當一視事而矯矯獨行政府不堪也轉少  
司寇尋卒于官公在林下杯酒談笑春風滿堂立朝百折  
不挫士大夫之再出山者往往失其本來面目公真完節  
哉與丘簡出符竝傳云

那懋卿以清理天下體法橫行浙直間海忠介令淳安強  
項不少屈懋卿竟薦之亦有天理畏清議哉

江中丞爲御史時發首功報捷之妄先是癸未間薊遼失  
事甚慘督撫周詠聖繡裳總兵陳文治以大捷聞告於廟  
宣捷大學士申文定公以下賞賚有差中丞立發其誣罔  
狀上遣風力按臣李植往勘之至一荒落數里無人烟然

尚有瓜藤在御史曰既荒落何以有此皆不能對又至一  
高埠伴索萊蕪克渴掘至二尺許頭顱白骨累纍堪涕泣  
刻窮究其獄督撫免總兵論死閣臣以下各辭蔭賞此在  
神廟時事甲午王杜山太僕爲予道其事甚詳

萬曆丁丑冬江陵相奪情諸上疏者比部郎艾穆沈思孝  
翰林吳中行趙用賢各予杖兩比部入十達戍兩太史六  
十編氓刑部辦事進士鄒元標于血肉淋漓中持疏入一  
璫耳語曰君不見諸杖者耶鄒徐曰畏杖者不來亦于杖  
八十戍都勾五君子皆幸不歿自初逮至終沈比部氣節  
勁罵不絕口趙太史杖時親見書亭侯騎赤兔馬以刀拖

其一股削不腐人謂鄒進士杖已猶能步愛之者輒止之  
乃顯什地未知果否又云馮保欲殺五君子而燕聖不允  
故獲免後疏建儲王給事如堅亦以山燕聖力救故止戊  
徐文貞首相時有一故人莊天恩以餘姚博士考滿入謁  
文貞文貞引之南向坐已西向博士作苦弗知也者曰公  
爲宰相寧向博士簡生耶文貞色變北向生坐定曰待罪  
政府久見何以教我博士皺眉曰某所欲言者多請以閒  
言路爲第一義文貞默然

尚書王莊毅公蒞江甯投尚氣節義所當爲奮往直前生  
長西陲有志功名居言路見事有不平者輒扼腕自廷擊

馬順之後所至令行禁止人望而畏之曰捶殺馬順者公  
名自此滿天下豈非一世豪哉 公方弱冠卽自許經  
濟擢給事中曰士當希汲黯朱雲安能局促效轍下駒耶  
永樂初盡革建文諸何復洪武之舊蹇忠定公從容爲言  
堅成憲者豈無因革及亂政者自有經權問舉數事陳說  
本末上嘉公忠實從其言或遂譖公不忘建文不聽

正德時李西涯公周旋于瑾永二璫間羅公玘乃李之門  
人引大義責之書云生逢教下屢更變故雖常貢書然不  
敢煩煩者恐彼此無益也今則天下皆知忠赤竭矣大事  
亦無所措手矣易曰不俟終日此言非與彼朝夕獻諫以

爲當依依者皆爲其身謀也不知乃公身集百指百歲之  
後史冊書之萬世傳之不知此輩亦能救之手自首老生  
受恩居多然病亦垂歿此而不言誰復言之伏望痛割舊  
志勇而從之不然請先削生門牆之簪然後公言于衆大  
加誅伐以彰叛恩之罪亦甘心焉生蓄誠積直有日矣臨  
檄狂悖李得書淚下

于中甫素負氣多難屈強項不肯下人從父連叔往往裁  
抑之輒降心用從營諸子曰每接十二叔手書令我毛骨  
俱竦後與予有違言從父兩非之曰吾姪病在躁君亦病  
在忽中甫大歎服蓋此二字實我二人頂門針也負笈金

涉時或傳王宇泰督兩浙學從父箕踞上坐談咲飯岸若  
弗與聞也者王亦心折

德量

從祖舉之僕郎華者與臧堯山先生爭田訟之邑令斷田  
歸華從祖率華請罪堯山先生呼華曰訟若勝耶終是人  
僕吾卽諱不失爲鄉先生彼從祖面笑遣之雅量如此  
臧益齋封公獨步門外忽一人盛氣批其頰者二時堯山  
先生已貴至二千石駭愕出不意急使人追捕之公搖首  
曰勿較也其人歸而暴歿且欲挾其屍來閭二里外望見  
臧氏之門火光其巨疑有備中止謙謙君子百神福之公  
之謂也

徐文貞嘗壽域於吾邑之東山咫尺彌陀寺寺僧置酒宴

公及諸公子以優人進諸公子拚口笑爭避去公終席薄  
暮乃起門下士問曰相公抑愛此優耶文貞笑曰吾意不  
在此欲輩借我盼睞以爲榮辱若盡避去何以施矚目此  
所謂人情爲田者也稱時名相有以夫

許司馬先生與其同舟遊梁溪道遇一學究左右頗厭之  
先生不拒也委曲周旋終日無忤色比會諸君子相顧拚  
口曰安得此不祥之物獨顧涇陽公高存之接以禮別時  
稍有所贈天下無不可與之人卽此是實學也

福清初大拜賀客腐集積數日整衣冠出報謝諸隸已潦  
倒不勝輿失足溝渠中相公衣冠頓籍旁觀者哂舌相公



了無忤色解衣沐浴次日從容出拜客人服其雅度  
袁安節裕春督學山東時海忠介爲博士自謂賓師不與  
臣同諸博士皆長跪公獨立不拜時呼爲海筆架忠介尋  
以直諫至八座安節成之也

蔡子木少負才名王元美所稱七才子不與也子木每與  
諸子誦詩吳明卿國倫宗子相臣皆閉目或故作鼾睡聲  
以亂其聽子木若弗聞也者此開府中州明卿子相皆罹  
謫籍屬子木宇下一日來謁子木獨留二公置賓筵之上  
坐皆遜謝子木曰今日之會爲風雅若拘此例便以俗吏  
皮相矣歡飲竟日

熊太史敦朴再請江西按察知事一夕醉歸遇潘中丞季  
馴門擊鼓入中丞出不意延之後堂太史沉酣坐次鼙聲  
如雷中丞索二盒相對坐良久酒醒中丞呼湯沃其面一  
茶而出太史信狂人亦服中丞雅量

王先生英者高帝手書敦厚王英賜之累遷陝西按察使  
以疾乞歸居鄉恂恂嘗行至河岸值輕薄子偶觸之擠于  
水先生振衣起至家家人怪問之曰吾偶失足爾不言其  
故

馮先生生平熱腸坦中門下士從游者幾千人溫良洗愛  
每試時所推轂寒士盡大江以南脩名者頗嫌之先生不

顧也下進者手不持一文或山人遊客代人居間先生必  
委曲應酬亦有所贈不計多寡或居間者有所私先生十  
不得一亦不問晚年肥遯湖山徜徉適志追先生捐館後  
孤寒負奇者望見貴人顏色而不得相顧沾襟徘徊孤山  
明聖閣大雅云亡游船簫鼓聞如無人予亦掩耳不忍聞  
矣

前丘異翁鍾德揮霍不羈兄弟各分授三千金不數年盡  
矣急而求其母母以幼弟三千金貸之一日入茗至峴山  
灣有一達官緩舟乃邵守同年也方入按使者自簡落魄  
其不能爲歸計公意憐之出湖緡庾廩三百餘金贈之後

公賈於楚積米負販于母計數倍適楚大荒公以所積米貸楚人楚中丞卽前數丹峴山者也公訟之中丞中丞留飲三日夜厚禮之且爲公誦義于諸監司守令貸米者聞風倍償積至十餘萬他田宅倍是於是召其幼弟曰非爾三千金吾何能至此挈金數簍與之不項項衡量也吳氏至今稱巨族

申文定公大書座右凡事從寬其福自厚公之居鄉種植盛德二百年來所未有也

朱恭靖希周以熙元及第六品者二十年不遷意落如也後佐禮部屬大禮垂成諸輔臣相繼罷去公猶持舊說屢

作古時方貴操切公司大察而科臣無與者或謂公私之  
公抗章自辨言科臣固應考者少臣以言路私之固不可  
如避言路嫌而誅責之尤不可臣老不稱職惟有去爾竟  
拂衣歸舉狀元以丙辰猶及見新丙辰狀元卒年八十四  
大節屹如山立而持身謙抑敦謹誠厚非矯矯名高者也  
閨中有一親王五十外止一子嫡妃出也乳母寢熟壓兒  
乳妃侵曉視兒氣已絕呼乳母令亟去遲則必無幸矣度  
其去遠方舉哀曰天書見命也不數年妃又舉一子壽至  
百四十其孫曾遠勝蓋天道六此得之劉貽哲少叅

劉忠宣遶武夷一醉者數手持公大嚼公若爲弗聞也者

未幾其人復置一部使者使者怒扶之且歎乃宗室也使  
者竟抵罪察家服忠宣先見忠宣曰不然凡人無故加於  
我者非病狂喪心卽有所恃也至今服其名言

嚴文靖史官時奉使行過道僅卽疏請留漕艘賑饑其爲  
太宰出華亭意公性謹畏跼蹐不敢當華亭曰無恐也吾  
擇一良選卽佐公公委心任陸莊簡時當分宜後力洗其  
黨推殺天下賢士大夫無虛日方世廟所摧折屏弃久且  
三十餘年一旦賜環殆盡海內飽稱陸與繩然非公不能  
盡其用也大約公以恭謹取相位以善下得士大夫及閭  
巷聲太宰中之饒機智權力者不少視公隨隨休休知人

善任便遷庭矣

顧涇陽先生德器溫厚人莫測其喜怒一僕至蘇門與長  
洲隸爭毆隸鳴之官扶顧僕二十僕其道主人姓名令不  
信遣人來問故涇凡大怒作數行理之涇陽先生曰不開  
口更有滋味卽有犯先生者恒情至不堪意其必怒先生  
怡然不動人謂有明道之風

文貞試士有一生劣等持卷自白有顏苦孔卓句公乙之  
曰杜撰生勃然曰此語出文中子公下階揖之曰本道少  
年叨高科不及多讀書謹謝教其雅量虛懷一時稱服卽  
此卜其相才矣

丁司空賓當萬曆戊子大水米石至一兩八錢公捐茂積  
四萬斛廣賑之遠近饑者腐集公部署有方人得實惠嘉  
善今欲聞之當道公跽而謝曰賓一念不忍若以此博名  
是重其罪也竟止至戊申公爲南樞院遣官歸賑如前數  
更有法公初無子晚年生三子年七十九以宮保致仕老  
而躋踪

朱大復長春其乃翁世正學究也世業十萬餘畝而汰沉  
酣趙孽中老且貧以駛產鬻一紳紳利其業盛張宴以款  
之出家樂伯觴已命長公出陪通殷勤朱大悅以時價之  
半立券比交價頽然大醉收價又不及半而去數年大復



登第或謂日向日之產爲紳所局子一開日當立償若貴  
比部不應後有按君率潤民不平于紳者鼎沸紳亦顯曲  
處以平物情又有以前產從與比部者曰此其時矣不可  
失也比部終不言余服比部知大體

夏忠靖公德量汪洋莫測其際昌尚書嘗爲子乞官上以  
問公公對曰袁先朝有守功宜量與一官或語公曰彼昔  
奏公寧忘之于曰某自得罪彼何與茶襄陳公靖難時嘗  
欲害公公後薦茶襄總漕運又內贊其所請以濟國事二  
公淡自敬服時同事有性偏急者嘗書公姓于座右自警  
少忘之性如舊歎曰夏公真不可及也 嘗有從吏汚公

金繼馬衣懼欲逃公曰汚可浼何懼爲吏壞公所寶硯懼不敢見公論之曰物皆有壞吾未嘗惜此公卿大夫雅量損公第一比公于王子閔韓稠圭之度或問夏忠靖公量可學乎公曰吾幼時有犯者未嘗不怒始恐于色中恐于心久則不與人競又曰處有事當如無事處大事當如小事

魏文靖公驥致仕時往于田值御史官舟公于岸引繩而行御史惟問對曰魏驥又問曰蕭山魏驥又問曰尚書歸老蕭山魏驥也御史惶惑謝罪

巡撫周文襄初至崑山由登岸盛怒撻一人儒學教諭朱

見叱皂隸令止進自公曰請姑息怒至衙門治之可也公從之至公府入見後召冕問故對曰下車之初觀瞻所係恐因怒傷人累盛德耳公謝之未幾太倉開設衛學公奉保冕爲教授且語二衛武環云吾爲爾子弟得一良師宜隆重之

陳自誠爲人豁達大度不與物競未第時鄰人有侵居地者欲取之以力揚言于衆曰陳氏子異日他出我必辱于途及見不覺自失先生曰尺寸地吾當爲若讓其人慚竟不能作惡而去又有侵其田者處亦如之後復有盜莖其祖墓者先生怒曰此義不共戴天也彼不悛吾必訟之官

吾敢沽虛名而忘大義哉盜莖者聞之果悛

兵部侍郎王偉先任職方郎中因少保于公薦陞是職未幾伺于公過密奏之時景帝信任于公方專召入以偉奏授之公認罪焉帝曰吾自知卿公既出偉下堂迎問之曰今日中聖論爲何事公曰婦人語之既入復請乃笑曰老夫有不足處賢命當面言之未必不從也何忍至此乃出奏示之偉跼蹐無地

于節庵與葉與中相識葉之內子最賢病亡于每爲悼惜葉一日持行狀求于公作墓表于公讀行狀既已喜未易伐甘泉易謁奈何不數日德勝門軍爲馬蹏歿葉劾于公

韶原之是日于公朝退謂郎中王偉曰和中稟公近日求  
作一文不意今日有此事若稍遲則俗矣卽命紙一揮而  
成當賜帑以高致爾之

吳文定公未第時家應繼人役徵擾百狀公見重于有司  
其父亦長者或當苛甚時謂公盡白之上官公曰譬我不  
做秀才亦已矣乃潛入金帑徙肆以寬其事父不知也里  
董以私憾公公同夫人出隨置公于車傍從人欲一較  
公召戒勿躁而已又問去公所爲郡學碑刻名上官追究  
公曰吾文識不足存幸無按官重刻而已縣官矯激束縛  
公家人主事公曰亦簡慢公不介意縣官去述職公佐吏

部家宰欲黜此令問公公曰謂之最固非公以黜則亦未  
至爾家宰從之遷左別郡 公初選官僚人動色相賀公  
感然曰我何以當此任及日講內殿尤世所榮而公辭之  
至再三當道見其誠不強也及掌制誥久衆望公柄用當  
道忌之迫邇不進意公亦不能少無望公曰吾初望不及  
此吾處此甚宜之甚安之衆議爲之冰釋公未遇時下第  
回閩母病急奔過闕不待報主政拘留公上詩答之末二  
句云扁舟載得愁千斛不道闕中也稅愁主闕者慚而釋  
之

李公秉與王鉉俱號一時名臣俱致仕居鄉鉉高自隱岸

非其人不與交公出入閭巷每與市井人對奕終日無忤  
越日朝廷大臣而與閭巷小人遊戲得無自輕乎公曰所  
謂大臣豈能常爲之在朝在野固自不同何至以官驕鄉  
人哉其不同如此

張壯節爲御史方廿七歲差山東忽按初到行香偶酒家  
飲之公擊案導賓至公爲之失色公悟不爲意取卮經去  
則曰公押酒家請罪公食語曰此是上司過往去處今後  
酒菜須得高遣里亦不與知州言

越數年公爲

刑部尚書散衙後回家路上遇醉漢奪去其藤靴公不問  
遂歸及酒醒問其妻曰昨日醉歸有甚事故其妻曰汝帶

一藤棍回其夫視之曰此文官棍子也訪之是張尚書明  
晨頭頂其棍跪長安街少頃公至雙藤缺其一此人叩頭  
請公命隸人取其棍竟不問

尚書楊公青厚德冠一時鄰家構舍侵其雨溜墜其庭公  
不問日貼日多夫雨且止也又或侵其址公有普天之工  
皆王上更過些些也不妨之句又以鄰翁生兒恐乘驢驚  
之常徒行其先墓前碑爲數則兒戲推仆墓人奔告公曰  
傷兒乎曰否幸矣語諸兒家善護兒母驚之



器議

周心鑑先生憲司理嚴州時有一諸生出公門下忽以大部古書獻公受之發書得五百金乃爲人居間者仍前具議召生還其書曰偶檢篋中已有此書故不敢受也遂與此生絕官至憲副二子登已丑第寧夏中丞其次子懋相也

王忠肅卿爲太宰適內計呼王端毅恕曰若負官謫甚多官受責當爲若曲全不然立黜矣端毅降氣受杖亡何守揚州多異政某公總督漕運忠肅臨之曰揚州守奇士也其人負氣公幸折之某公往卽按揚微行得守諸治行其

悉明日守入謁總漕公崖坐治文書佯爲弗知也者守侍立良久色變公微睇之守目光如虹射堦下乃起延之入坐談竟日卽去曰有公在吾無所事事矣端毅守揚十許年卒稱名臣

劉忠宣公爲職方郎有盛名當事欲優以太僕卿公固辭曰某入仕數年以未親民事爲憾願出授藩臬遂叅知福建行者萬文恭思節初入館以庶吉士改銓部人方訝其左遷公更告南此二公者可爲重內輕外者之戒

分宜晚年懼後患收名士以自固于是起唐荆川順之羅念菴洪先趙浚谷時春趙貞氣訥懋唐自恃才畧皆驟至

節鉞不終念菴堅不赴召至北方外之遊以免聞其風者  
其於九重之臥嗟乎一官之悞人多矣

唐太史起家兵部郎萬文恭其門人也力止其行語次流  
涕不已太史訝曰思節何哭曰哭先生數十年清修一旦  
付流水耳曰若輩以我爲一官出耶思節曰分宜敗矣誰  
復諒先生者及今返棹猶未晚也不聽後以中丞鎮淮揚  
兵敗薨歟

劉公咸栗六歲時侍父方伯公側輒問天何依地何際終  
有壞否及聞元會運世之說則又曰後之人將奈何方伯  
大奇之笑曰童子何慮之遠聞侍客客有談及天下阨塞

及運道可憂者超而進曰勿使奸雄間之客甚驚異

徐武功入翰林凡軍旅行役水利之數無不講求其法而欲通之或曰公職業在文字事此奚爲程曰此孰非儒者事使朝廷一日有事用我吾恐學之已無及矣聞者壯之張簡肅爲庶吉士李彭二閣老欲公官翰林力辭願親民事後公卒以政事爲名臣

朝廷政在內閣士之始進以翰林爲極選而競進者率規計思後戴公珮與華容劉公堅避不往且曰願就邵曹習聞民事爲國家建勲業甚幸沒沒老文字竊所恥也後兩公庶爲名臣

李忠文公因除庭樹被罰是日方坐東堂閱試卷而鍾天官校粹至掩卷起身免冠解帶受繯綬令監師生皆驚愕失色獨先生神色自若徐呼諸生近前與語曰某人某處講是某處講非某人今次少勝前某人比前不及因顧僚屬曰還須校定高下出榜語畢乃行

崔子鍾爲翰林編修遇到瑾不降屈改南京吏部衆咸爲公不樂公曰此胡爲不樂苟求諸已者無愧于吾何損未幾瑾敗科道交章薦公詔復原職或又爲公喜公曰此亦不足喜吾求諸已有可疾焉今日于吾爲何益公用心于內不以得失介懷

馮觀察應京以殺稅使逮詔獄甚久相知唁之曰見得無  
鬱乎報曰吾沒工夫鬱著書數十卷皆經濟大旨刻行于  
世子亦以數字比索饋之義報書字畫甚整刺較予更不  
苟也出獄後忽歿假留至今何憂遘事哉

東里楊先生世爲儒家一歲而孤才改適羅公理爲德安  
府同知以其家行歲時祀恒命諸子陪禮公獨不見命時  
甫六歲以問母母泣而語之因慟日益感發七歲私竊磚  
土倣作神主于外別室祀其三世每旦肅拜出入秘無知  
者既久左右聞知以告德安公伺先生入謁與母宜人從  
戶外窺見其進退拜伏皆感泣遂復姓德安公日告以楊

氏先世文學行義之盛曰勉之無何德安公坐累謫戍先生歸家益貧年尚髫髻設作日之勞身親之而有志書冊貧不得售五經左氏傳借抄以讀母喜曰見可承先業矣旁舍有爲橡曹傭書致富者雅重先生而念其貧數遣告宜人欲與俱先生歎曰貧乏兒所安豈役志於是以辟祖宗哉遂志舉子業鄉人請爲子弟師踰年從遊益衆駸駸乎有聞後爲大儒爲名臣降以大任良非偶也

神識

胡襄懋善相人武舉朱暹一見許以總兵卒如其言爲名將有一故人子來謁襄懋曰若何言曰落魄甚不能爲諸生言唯公覆露之公良久曰吾相若宜大金吾腰玉卽揮千金爲贈薦之分宜冑子陸武惠炳朱忠禧希孝逮襄懋再下詔獄其人果金吾衛大將軍時來起居公情誼甚篤公誠神鑒也

陳恭介有年十三歲以冑子肄成均往謁孫文恪陸媿媿道鄉曲寒暄恭介一語不能對孫妄意以爲騷豎子也已命題課之孫公驚詫不已比及秋闈以謨一字帖出孫公



喜曰陳三郎不終試吾兒必元矣卽宗伯銚也恭介亦王  
子第二人 公家宰時有一懿親方岳中州撫按暨輩下  
士大夫競以節鉞薦公不應解綬後某公噴有頌言公身  
後某私叩其仲孫曰先生故與某公善何以策其不終曰  
某公丁母憂大父往吊之某公曰母老矣先室人之變真  
意外也大父不憚以此策其不終

許司馬語予曰李襄敏有言世途凡三種人口平乎此最  
巧宦口騃騃人亦寬之曰騃乎藏巧于拙曰平騃必立敗  
沈伯和邵處休芳愛塔也處休試以一對曰砮杵敲殘淺  
巷月伯和方童子應聲曰旂旗吹散大江風遂以女女之

處休時爲胡襄懋慕竇述其事於襄懋襄懋召伯和至官舍捐數百金代爲行賄賄摩其頂曰少年不凡他日必居我位也

鄧文潔公上公車時挾二女宿一旅舍有老嫗出廷曰兒輩且歸矣幸無相驚也未幾一少年至狀貌頗不良文潔終夕置生一人驚悸踟躕一人呼酒痛飲談諧天明別去少年指文潔曰公道學先生即當爲翰林指飲譁者曰是大司馬楊踟躕者手勞之曰老博士弗皮相我其言卒驗嗟乎此賦惜不得爲太宰

于木守衡州一日坐堂皇雨中有一童子跣足入俯呼問

之乃吏解子也諦視其科字不凡曰若曾讀書乎曰然有  
見弟乎曰有一兄課之藝子木擊節歎賞見一館舍日飲  
食之以佐其讀乃曾植齋朝節見弟也

顧司寇璘二十一成進士與劉元瑞朱升之並稱江東三  
才子由郎署守閒封再顯再起歷藩臬有聲寶晉中丞撫  
晉楚陝少宰以司空改司寇生平憐才延接名士如恐不  
及識張江陵於童子時試以對白鶴飛鳴萬里雲霄從此  
始張應聲曰蒼龍踴躍九天風雨一齊來公卽解犀帶贈  
之至今稱爲盛事

徐文貞督學浙中待諸生極寬試時至有數人相聚商榷

者公不禁二生卷一字不異案出一百一點點者不服文  
貞日後是真才汝盜竊者也問何以辨曰卷中多白字衆  
大服



正學

胡太宰開府豫章時時延諸生入講學有一老孝廉譎甚素以講學巧爲居間計者挾一少年同來謁坐次忽及一失機裨將語未竟公南面起立曰此軍法非而書生所宜言也至堂上召中軍曰干軍政者何律曰應斬縛孝廉庭責之立牽至門外以徇其人叩頭流血願貸死兵使以下及郡邑長悉請命良久乃釋寬其少年者而曰而固爲若所賣也其係汝寧爲朱文寧道其事甚詳

先大夫病南康延一老醫來診視醫自言年十六時曾隨其父侍王文成於贛州予因問若記文成講學光景乎曰

日夕第見諸縉紳生儒集後堂規嚴肅凜凜若三軍對壘  
卽飛鳥不能過也更有一異予曰何日轅門外不時舉砲  
輒俘賊數十人或首級數百其調遣計畫無一人知者嗟  
乎文成其能講學者也學卽在軍旅中

吳疎山先生惺嘗冥目靜坐謂世儒所謂靜指游氣暫息  
爲言非靜體也人生而靜便不容說所謂天下之大本涉  
擬議卽非矣

金壇王司寇樵七十餘手抱一冊獨行市中人不知其爲  
尚書也生平酷信朱紫陽宦遊夜半輒篝燈起讀書取舊  
刺書其背積成帙強半十三經註疏及性理大全也臨終

命仲子肯堂誦曾子易箦章

甲午中州大饑楊給事東明上流民圖朝廷感動捐內帑三十萬金及聖母以下諸宮各有所捐起白骨而肉之其功甚大王三善駁顧光祿閣銓二啓公聞而大罵三善訓服

賀公欽爲給事中間白沙先生議論歎曰至性不顯寶藏猶靈世卽用我而我奚以爲用卽日抗疏解官執弟子禮既別肖先生小像懸之別室有大事必啓焉

薛文清言二十年治一恕字尚未消磨盡以是知克己最難

邵康僖每厭世俗頌贊表志諸作多溢美嘗爲文自銘曰  
我生不求文歟不求志刻石與列祖徒爲泉下塊平生爲  
已之學槩見於此矣

羅念菴論學曰周子所謂主靜者乃無極以來真脈絡其  
自註云無欲故靜是一切染不得無然歆美無然辟褻莊  
生所言混沌者近之故能爲立極種子非就識情中認得  
箇幽暇閒逸者便可代替爲此物也

陳白沙先生曰吾年六十七始發憤從吳聘君學於古聖  
賢書無所不講然未知入處北歸杜門不出專求所以用  
力之方既無師友指引惟日尋書冊忘寢忘食如是者累



年而未有得謂吾此心與此理未有濬泊融合處也於是舍彼之繁求吾之約惟在靜坐久之見吾之心體隱然呈露常若有物日用間種種應酬隨吾所欲如馬之御銜勒也體認物理稽諸聖訓各有頭緒來歷如水之有源委也於是渙然自信曰作聖之功其在茲乎

陳布衣真晟年十七八卽勵志儒業業成薦於有司至福州有司防察過嚴無待士禮乃辭歸日是不復以科舉爲事務爲聖賢踐履之學走臨川就正康齋貨其家直得五金携兒子一人以行教之曰我疾卽瘞於道題曰閩南布衣陳某墓行至江西張元鎮太史止之宿叩其學大加稱

許曰斯道日程朱以來惟先生得其真吳許二子亦未如  
是無至臨川爲也遂歸鎮海卒年六十四郡守彭桓立石  
官道傍題曰大明閣下雨上書請補正學泉南布衣陳先  
生墓

胡改齋先生家居日以悅親爲事父病劇嘗糞味苦疾果  
愈兄每外歸迓於門外有疾亦躬調藥家人化之篤宗族  
訓子姓不倦執親之喪初水漿不入口久則柴毀骨立非  
杖不能起三年不入寢室祠堂月朔之薦四時之祭及總  
功之小悉遵古禮簞食瓢飲處之泰然四方振衣及門者  
曰南谷先生持已雖嚴待物甚恕其言學也則曰惟爲已

則所從不差然後可以及人言治則曰惟王道能使萬物各得其所其初家食稍有餘鄰里有假無不應不能償亦不較比後良窳人或爲之籌先生曰吾何暇汲汲爲此其詩曰終日觀書聖賢在日終日言談不及利祿若使稀稗弗生何愁五穀不熟

羅一峯先生爲人不視惡色不聽惡聲不耻惡衣惡食與人子言依於孝與人臣言依於忠與居官者言言民疾苦大率義之所在毅然必爲人之毀譽欣戚事之成敗利鈍已之歿生禍福皆所不顧也所交盡一世豪傑之士其語及先生之爲人也必曰青天白日云謫廣東市舶未幾李

公卒商文毅公復入閣言於上復先生南京翰林修撰廬  
陵陳公文亦卒士有爲詩悼之者末二句云九原若見南  
陽李爲道羅生已復官時以羅之謫陳與有力焉故云

陳茂烈髫年喪父不與群兒伍晝夜讀書祖母憐其孱弱  
亟止之乃韜燈默誦不少輟年十八慨然歎曰吾學聖人  
者莫如顏曾顏之克已曾之日省豈非學之法歟乃作省  
克錄以自考登進士奉使廣東所司致贐謝曰我窮時嘗  
授徒兩臬司尚不欲規利於人況今日耶於是往拜白沙  
陳公願執弟子禮白沙與之語累日甚喜且告以爲學須  
主靜一退而作靜思錄終身佩服其教先生以毋老乞終

養供母外短牀敝席不辦一蚊帳身治唯一茶頭給薪去  
子服食麤糲皆人所甚不堪而泰然自足日坐斗室究極  
五經四書之旨體驗身心隨得隨錄嘗曰儒有向上工夫  
詩文特土苴耳

舒國裳端居終日讀書治事之暇未嘗晝寢夜必計過自  
訟賸卽相告蓋乾乾惕若其真積浚矣嘗謝鮑思聰入吏  
部堂屬噴有煩言先生將奏其作威友人謂曰曾記定性  
書乎於怒時遽忘其怒公謝曰子督過是也卽焚其草掄  
魁甫十年再入翰林一謫福建市舶提舉丁內外艱半之  
享年四十有四風神玉立眉宇英特遇事侃侃無幾微矯

飾蓋其養之正出之果而非有意必也

童承敘狀魯公鐸曰功不及康濟而休風令節激昂貪鄙位不及鄉相而榮名重望傾動朝野年不及期願而清德粹言垂式後學究其所得不在尺寸間矣

鄭端簡公幼學卽志四方無書不讀所讀必可裨用少壯入仕益諳典故耳目見聞咸類記之博古則約其精微今則核其備人文淵藪固是善龜以博洽伏宇內著作極多因丙辰李太宰爲趙文華所託奏論成公曰古以言殺身况成書乎悉畀火只遺吾學一編徵吾古今言數冊

薛文清自大理入內閣李賢喜曰正先生行道時也先生

曰某自外臣驟進誠意未孚一日召入便殿見上服短衣  
小帽先生不入朝廷遽易服入見語皆正心誠意之言左  
右曰此正關西薛夫子也